



PERSATUAN BOLASEPAK MALAYSIA
*PERATURAN STATUS DAN PERPINDAHAN
PEMAIN*

EDISI 2019



KANDUNGAN

		Mukasurat
Perkara 1	PENDAHULUAN	5
Perkara 2	DEFINISI	5
BAHAGIAN I	PENGENALAN	
Artikel 1	Skop	10
BAHAGIAN II	STATUS PEMAIN	
Artikel 2	Status Pemain Amatur dan Profesional	12
Artikel 3	Pengembalian Semula Status Amatur	12
Artikel 4	Penamatan Aktiviti Bolasepak	12
BAHAGIAN III	PENDAFTARAN PEMAIN	
Artikel 5	Pendaftaran	13
Artikel 6	Tempoh Pendaftaran	14
Artikel 7	Buku Pasport Pemain	14
Artikel 8	Permohonan Pendaftaran	15
Artikel 8A	Kontrak	15
Artikel 9	Sijil Perpindahan Antara Pasukan (SPP) dan Sijil Perpindahan Antarabangsa (ITC)	15
Artikel 10	Pinjaman Pemain Profesional	16
Artikel 11	Pemain Tidak Berdaftar	16
Artikel 12	Penguatkuasaan Tindakan Disiplin	16
Artikel 12A	Bayaran Tertunggak	17
BAHAGIAN IV	MEMELIHARA KESTABILAN KONTRAK DI ANTARA PEMAIN PROFESIONAL DAN PASUKAN	
Artikel 13	Mematuhi Kontrak	19
Artikel 13A	Kontrak Pemain	19
Artikel 14	Penamatan Kontrak Dengan Sebab Yang Munasabah	20
Artikel 14A	Penamatan Kontrak Dengan Sebab Yang Munasabah Untuk Gaji Yang Tertunggak	20



Artikel 15	Penamatan Kontrak Atas Sebab Kesukuanan Yang Munasabah	20
Artikel 16	Kawalan Terhadap Penamatan Kontrak Semasa Musim	21
Artikel 17	Akibat Menamatkan Kontrak Tanpa Sebab Yang Munasabah	21
Artikel 18	Peruntukan Khas Berkaitan Kontrak Antara Pemain Profesional dan Pasukan	23
BAHAGIAN V PENGARUH PIHAK KETIGA		
Artikel 18A	Pengaruh Pihak Ketiga Ke Atas Pasukan	25
Artikel 18B	Pemilikan Pihak Ketiga Hak-Hak Ekonomi Pemain	25
BAHAGIAN VI PERPINDAHAN ANTARABANGSA MEMBABITKAN PEMAIN BAWAH UMUR		
Artikel 19	Perlindungan Pemain Bawah Umur	26
Artikel 19A	Sistem Pendaftaran Dan Melaporkan Pemain Bawah Umur Di Dalam Akademi Bolasepak	27
BAHAGIAN VII PAMPASAN LATIHAN DAN MEKANISMA PERPADUAN		
Artikel 20	Pampasan Latihan	29
Artikel 21	Mekanisma Perpaduan	29
Artikel 21A	Bayaran Yuran Perpindahan	29
BAHAGIAN VIII BIDANG KUASA FAM		
Artikel 22	Kewibawaan FAM	30
Artikel 23	Jawatankuasa Status, FAM	31
Artikel 23A	Majlis Resolusi Pertelingkahan Kebangsaan	32
Artikel 23B	Pelaksanaan Keputusan Kewangan	32
Artikel 24	Jawatankuasa Rayuan, FAM	33
Artikel 24A	Majlis Rayuan Resolusi Pertelingkahan Kebangsaan	33
Artikel 25	Tatacara Penyelesaian Pertikaian	34



BAHAGIAN IX	PERUNTUKAN AKHIR	
Artikel 26	Peralihan Kuatkuasa Peraturan	38
Artikel 27	Kaedah Luar Jangka	38
Artikel 28	Bahasa Rasmi	38
Artikel 29	Pemakaian dan Penguatkuasaan	39
LAMPIRAN 1	PELEPASAN PEMAIN UNTUK MEWAKILI NEGARA	
Artikel 1	Prinsip	40
Artikel 1A	Ketidapatuhan	42
Artikel 2	Peruntukan Kewangan dan Insurans	43
Artikel 3	Panggilan Pemain ke Skuad Kebangsaan	44
Artikel 4	Pemain Tercedera	44
Artikel 5	Sekatan Untuk Bermain	44
Artikel 6	Tindakan Tatatertib	45
LAMPIRAN 2	PERMOHONAN PENDAFTARAN PERTAMA DAN PERPINDAHAN PEMAIN BAWAH UMUR	
Artikel 1	Prinsip	46
Artikel 2	Memulakan Permohonan dan Penyerahan Dokumen	46
LAMPIRAN 3	TRANSFER MATCHING SYSTEM (TMS)	
Artikel 1	Skop	48
LAMPIRAN 3A	TATACARA PENTADBIRAN MENGURUS PERPINDAHAN PEMAIN ANTARA PASUKAN DI LUAR TMS	
Artikel 1	Skop	49
Artikel 2	Prinsip	49
Artikel 3	Pengeluaran SPP Untuk Pemain Profesional	50
Artikel 4	Tatacara Pengeluaran SPP Daripada Senarai Perpindahan Pemain dan Pemain Tamat Kontrak	54
Artikel 5	Pengeluaran APP untuk Pemain Amatur	54
Artikel 6	Gaji Pemain	55
Artikel 7	Pemain Pinjaman	56



LAMPIRAN 4	PAMPASAN LATIHAN	
Artikel 1	Objektif	57
Artikel 2	Pembayaran Pampasan Latihan	57
Artikel 3	Akademi	58
Artikel 4	Pemain Berumur 18 Tahun dan ke Bawah	60
Artikel 5	Tanggungjawab Membayar Pampasan Latihan	60
Artikel 6	Kos Latihan	61
Artikel 7	Pengiraan Pampasan Latihan	61
Artikel 8	Tindakan-tindakan Tatatertib	61
LAMPIRAN 5	MEKANISMA PERPADUAN	
Artikel 1	Sumbangan Perpaduan	63
Artikel 2	Tatacara Pembayaran	63



PERKARA 1 : PENDAHULUAN

Berdasarkan kepada Artikel 5, Statut Persatuan Bolasepak Malaysia (FAM) dan selaras dengan kuasa yang diberikan oleh Statut FAM mengikut Artikel 36 (15), dengan ini Jawatankuasa Eksekutif, FAM meluluskan Peraturan Status dan Perpindahan Pemain, Persatuan Bolasepak Malaysia.

Bagi perpindahan antarabangsa, iaitu yang melibatkan perpindahan di antara dua Persatuan Bolasepak Negara yang berbeza, '*FIFA Regulations on the Status and Transfer of Players*' juga diguna pakai selain Peraturan ini.

PERKARA 2 : DEFINISI

Selaras dengan takrif, Statut Persatuan Bolasepak Malaysia, melainkan jika kandungan ayatnya mengkehendaki makna yang lain, terma-terma yang dinyatakan di bawah adalah untuk rujukan Peraturan Status dan Perpindahan Pemain, Persatuan Bolasepak Malaysia ditakrifkan seperti berikut:

1. 'FIFA bermakna "*Federation Internationale de Football Association*" atau dalam Bahasa Melayu ialah Persekutuan Bolasepak Antarabangsa.
2. 'AFC' bermakna "*Asian Football Confederation*" atau dalam Bahasa Melayu Konfederasi Bolasepak Asia, iaitu sekumpulan Persatuan bolasepak yang diiktiraf oleh FIFA dan berada di benua yang sama (atau kawasan geografi yang sama).
3. 'FAM' bermakna Persatuan Bolasepak Malaysia yang didaftarkan sewajarnya dengan Pesuruhjaya Sukan Malaysia dan menjadi ahli AFC dan FIFA.
4. 'Jawatankuasa' ialah Jawatankuasa Status, FAM.
5. 'Peraturan atau PSPP' bermakna Peraturan Status dan Perpindahan Pemain, FAM dan termasuklah lampiran-lampirannya.
6. 'Peraturan FAM' bermakna Statut FAM atau mana-mana Peraturan yang lain selain Peraturan ini yang telah diluluskan oleh Jawatankuasa Eksekutif, Jawatankuasa Darurat FAM, Jawatankuasa Tetap FAM dan Badan Kehakiman FAM termasuklah Pekeliling, siaran atau apa-apa arahan secara bertulis yang dikeluarkan oleh FAM dari masa ke semasa.
7. 'PBN' atau Persatuan Bolasepak Negeri bermakna persatuan bolasepak yang diiktiraf dan menjadi ahli FAM mengikut Artikel 11, Statut FAM.



8. 'PBD' atau Persatuan Bolasepak Daerah, Jajahan dan Bahagian bermakna persatuan bolasepak di peringkat daerah yang diiktiraf dan menjadi ahli kepada PBN.
9. 'Kelab' bermakna organisasi bolasepak yang diiktiraf sebagai ahli kepada PBN atau PBD dan dibenarkan untuk menyertai pertandingan bolasepak yang dianjurkan atau disanksikan oleh FAM.
10. Pasukan bermakna pasukan bolasepak dan termasuklah pasukan Ahli, PBN, PBD, Kelab dan pasukan jemputan yang menyertai Pertandingan yang dianjurkan atau diluluskan oleh FAM.
11. 'Pasukan Asal' bermakna Pasukan terdahulu Pemain.
12. 'Pasukan Baharu' bermakna Pasukan yang akan disertai oleh Pemain.
13. Pertandingan bermakna pertandingan Bolasepak Liga Malaysia atau Liga-M, Negeri, Daerah atau lain-lain pertandingan yang diluluskan, dianjurkan, dikelolakan, diiktiraf atau disanksikan oleh FAM dan mengikut Undang-Undang Permainan yang disiarkan oleh FIFA dan Peraturan FAM. (Def. 5 FIFA RSTP)
14. 'Liga-M' bermakna Liga Malaysia yang dianjurkan sama ada oleh FAM atau mana-mana entiti undang-undang yang diberi kuasa oleh FAM untuk menganjurkan Pertandingan. Antara Pertandingan di bawah bidang kuasa FAM adalah seperti berikut:
 - i) Piala Sumbangsih;
 - ii) Liga Super;
 - iii) Liga Perdana;
 - iv) Piala FA;
 - v) Piala Malaysia;
 - vi) Piala Presiden;
 - vii) Piala Belia; atau
 - viii) lain-lain liga atau Pertandingan yang diluluskan dan diberi kuasa oleh FAM yang difikirkan sesuai selaras dengan Peraturan FIFA dan AFC. PBN, PBD, Kelab atau lain-lain badan bolasepak atau lain-lain badan



bukan bolasepak tidak boleh menganjur atau mengelolakan pertandingan bolasepak di peringkat antarabangsa atau kebangsaan tanpa terlebih dahulu mendapat kebenaran rasmi daripada FAM.

15. 'Pengelolaan Bolasepak' ialah Aktiviti Bolasepak yang diluluskan atau dikelolakan oleh FAM atau mana-mana entiti undang-undang yang dilantik oleh FAM di peringkat antarabangsa, kebangsaan, negeri, daerah atau kelab.
16. 'Perlawanan Rasmi' ialah perlawanan bolasepak yang diluluskan atau dikelolakan oleh FAM, AFC, FIFA atau Pengelola Bolasepak di peringkat antarabangsa, kebangsaan, negeri, daerah atau kelab mengikut Undang-undang Permainan yang disiarkan oleh FIFA tetapi tidak termasuk perlawanan persahabatan dan perlawanan percubaan.
17. 'Tempoh Dilindungi' ialah tempoh tiga musim keseluruhan atau tiga tahun, yang mana terdahulu, selepas berkuatkuasa sesuatu Kontrak, di mana Kontrak itu dimeterai sebelum hari lahir ke-28 Pemain Profesional, atau tempoh dua musim keseluruhan atau dua tahun, yang mana terdahulu, selepas berkuatkuasa sesuatu Kontrak, di mana Kontrak itu dimeterai selepas hari lahir ke-28 Pemain Profesional.
18. 'Tempoh Pendaftaran' bermakna tempoh yang ditetapkan oleh FAM atau mana-mana Pengelola Bolasepak selaras dengan Artikel 6, PSPP.
19. 'Musim' ialah tempoh bermula 30 hari sebelum Perlawanan Rasmi Pertandingan dan berakhir dengan Perlawanan Rasmi terakhir keseluruhan Pertandingan.
20. 'Pampasan Latihan' ialah pembayaran dibuat berdasarkan Lampiran 4 untuk membiayai kos pembangunan pemain.
21. 'Yuran Perpindahan' ialah sejumlah bayaran yang dikenakan kepada Pasukan Baharu bagi menandatangani Pemain yang masih mempunyai Kontrak dengan Pasukan Asal untuk mengambil bahagian dalam Aktiviti Bolasepak berdasarkan kepada Lampiran 4, Artikel 10.
22. 'SPP' ialah sijil perpindahan pemain yang dikeluarkan oleh Pasukan Asal untuk perpindahan Pemain tertakluk dengan syarat-syarat yang ditetapkan oleh FAM.
23. 'Kontrak' ialah Kontrak Pemain Bolasepak mengikut format yang disediakan oleh FAM menurut Artikel 8A dan ditandatangani di antara Pemain dan Pasukan.



24. 'Pegawai Pasukan' ialah ahli Jawatankuasa Eksekutif FAM, ahli Jawatankuasa Tetap FAM termasuklah ahli Badan Kehakiman PBN, PBD atau Kelab atau mana-mana Pegawai yang mewakili Pasukan yang telah disahkan pendaftarannya mengikut syarat-syarat FAM atau Pengelola Bolasepak untuk menyertai Pertandingan dan bertanggungjawab serta bertanggungjawab mengikut Peraturan ini ke atas perantarnya atau sesiapa sahaja yang diberi kuasa oleh Pegawai Pasukan untuk berunding bagi pihak Pegawai Pasukan atau Pasukan.
25. 'Pemain' ialah mana-mana Pemain bolasepak Amatur atau Professional mewakili Pasukan yang disahkan pendaftarannya untuk menyertai Pertandingan dan bertanggungjawab serta bertanggungjawab mengikut Peraturan ini ke atas Ejennya atau Wakilnya atau sesiapa sahaja yang diberi kuasa oleh Pemain untuk berunding bagi pihak Pemain.
26. 'Kad Pengenalan' ialah kad pengenalan diri Pemain atau Pegawai yang dikeluarkan oleh Jabatan Pendaftaran Negara Malaysia (JPN) dan hendaklah digunakan bagi tujuan pendaftaran Pemain dan Pegawai.
27. 'Aktiviti Bolasepak' ialah apabila Pasukan, Pegawai, Pemain, Perantara, atau sesiapa sahaja yang menyertai apa-apa Aktiviti Bolasepak, Futsal, Bolasepak Pantai atau Bolasepak Wanita dan lain-lain aktiviti yang bersampingan dengannya dan termasuklah aktiviti seperti yang diputuskan atau diluluskan oleh FAM.
28. 'Pemain bawah umur' ialah Pemain yang belum lagi mencapai usia 18 tahun.
29. 'Akademi' ialah program pembangunan pemain iaitu program latihan bolasepak yang bersistematik dengan menyediakan semua kemudahan untuk Pemain seperti tempat tinggal atau asrama, makanan, pengangkutan, perubatan, latihan, urusan penjagaan asrama dan juga urusan persekolahan, latihan vokasional, program pembangunan sahsiah yang disediakan oleh Pasukan atau sekolah sukan awam seperti yang ditetapkan oleh FAM. Setiap Akademi mestilah didaftarkan sewajarnya dengan FAM.
30. 'Perantara' ialah mana-mana individu yang telah mendaftarkan diri dengan FAM dan mempunyai Kontrak dengan Pemain untuk menguruskan semua perkara berkenaan Pemain serta tertakluk kepada syarat-syarat yang ditetapkan oleh FAM.
31. 'TMS' ialah "*Transfer Matching System*" iaitu sistem berkomputer dengan tujuan utama untuk memudahkan proses perpindahan antarabangsa serta



meningkatkan ketelusan dan proses aliran maklumat seperti yang ditetapkan oleh FIFA.

32. 'Pengerusi' ialah Pengerusi dan termasuklah Timbalan Pengerusi Jawatankuasa Status FAM, atau Majlis Penyelesaian Resolusi Kebangsaan atau Jawatankuasa Rayuan FAM atau Majlis Rayuan Penyelesaian Resolusi Kebangsaan yang semasa mengikut bidang kuasa seperti yang terkandung di dalam PSPP, Peraturan NDRC, Peraturan FAM dan Kod Tatatertib FAM.
33. 'Pengadu' ialah Pasukan, Pemain, Pegawai, Perantara atau Wakil yang membuat aduan rasmi dengan memfailkan Afidavit atau pengakuan bersumpah kepada FAM mengenai sebarang perselisihan yang berbangkit mengikut Peraturan ini.
34. 'Responden' ialah Pasukan, Pemain, Pegawai, Perantara atau Wakil iaitu orang yang kena adu atau disebut di dalam aduan oleh Pengadu, dan Responden hendaklah menjawab aduan dengan memfailkan Afidavit Jawapan kepada FAM dalam masa yang ditetapkan oleh FAM.
35. 'Perayu' ialah Pegawai, Pemain, Pasukan, Pengadu, Responden atau Wakil yang telah dijatuhkan hukuman oleh Jawatankuasa Status FAM atau Jawatankuasa Tatatertib FAM atau Majlis Penyelesaian Resolusi Kebangsaan (NDRC) dan membuat rayuan ke Jawatankuasa Rayuan FAM atau Majlis Rayuan Penyelesaian Resolusi Kebangsaan dan seterusnya membuat rayuan ke Timbang Tara mengikut Akta Timbang Tara yang sedang berkuatkuasa mengikut prosedur Peraturan ini.
36. 'Wakil' ialah Setiausaha Agung atau Setiausaha Kehormat atau Setiausaha Eksekutif atau Penolong Setiausaha Pasukan atau Perantara atau peguam untuk mewakilinya di dalam kes penyelesaian perselisihan mengikut Peraturan dan Kod Tatatertib FAM.

**BAHAGIAN I : PENGENALAN****ARTIKEL 1: SKOP**

1. Peraturan Status dan Perpindahan Pemain, FAM ini menetapkan Peraturan-Peraturan yang digunapakai secara menyeluruh serta mengikat, berkaitan status Pemain, kelayakan untuk mengambil bahagian di dalam Pertandingan dan perpindahan Pemain di Malaysia iaitu:
 - a. Perpindahan melibatkan Pemain dari Pasukan Asal ke Pasukan Baharu.
2. Perpindahan Pemain mengikut Artikel 1 (1) yang berdaftar dengan FAM ditadbir urus oleh garis panduan yang dikenali sebagai Peraturan Status dan Perpindahan Pemain, FAM yang diluluskan oleh FIFA. Peraturan ini, antara lain menggariskan kaedah-kaedah bagi penyelesaian perselisihan yang wujud di antara Pasukan, jurulatih dan Pemain, selaras dengan peraturan-peraturan yang ditetapkan di dalam Peraturan ini. Peraturan ini juga menyediakan sistem untuk memberi ganjaran kepada mana-mana Pasukan yang melabur dalam latihan dan pendidikan kepada Pemain pelapis bolasepak negara.
3. Tatacara Status dan Perpindahan Pemain hendaklah ditadbir urus oleh Peraturan ini dan peraturan NDRC.
4. Peraturan ini juga berkuatkuasa terhadap pelepasan Pemain untuk mewakili Pasukan Malaysia dan kelayakan Pemain untuk bermain di dalam pasukan kebangsaan berdasarkan kepada peruntukan di Lampiran 1.
5. Ketidakpatuhan dalam mana-mana Artikel yang terkandung di dalam Peraturan ini oleh Pasukan, Pegawai Pasukan atau Pemain adalah tertakluk kepada tindakan oleh Jawatankuasa seperti berikut:
 - a. teguran atau amaran keras;
 - b. denda maksimum RM 100,000.00 untuk Pasukan;
 - c. denda maksimum RM 50,000.00 untuk Pegawai Pasukan;
 - d. denda maksimum RM 25,000.00 untuk Pemain;
 - e. hadiah dan wang tunai ditarik balik;
 - f. penggantungan minimum daripada menyertai sebarang Aktiviti bolasepak:

- i. 30 hari dan maksimum seumur hidup untuk Pemain;
 - ii. 60 hari dan maksimum seumur hidup untuk Pegawai Pasukan;
dan
 - iii. 90 hari dan maksimum seumur hidup untuk Pasukan.
- g. Lain-lain tindakan kesukanan atau denda yang difikirkan perlu dan patut oleh Jawatankuasa.

Tindakan disiplin ini boleh dikenakan secara berasingan atau digabungkan.

6. Pengerusi adalah mewakili Jawatankuasa Status FAM atau NDRC atau Jawatankuasa Rayuan FAM atau NDRAC yang mana boleh membuat apa-apa keputusan di antara dua mesyuarat Jawatankuasa dengan syarat berpandukan kepada Peraturan dan keputusan hendaklah dibentangkan kepada Mesyuarat Jawatankuasa yang seterusnya.

**BAHAGIAN II : STATUS PEMAIN****ARTIKEL 2: STATUS PEMAIN AMATUR DAN PROFESIONAL**

1. Pemain yang menyertai Pertandingan adalah sama ada berstatus Amatur atau Profesional.
2. Pemain Profesional adalah Pemain yang mempunyai kontrak bertulis dengan sesebuah Pasukan dan bayaran diterima untuk Aktiviti Bolasepak melebihi perbelanjaan-perbelanjaan lain yang terlibat. Lain-lain Pemain adalah dianggap sebagai Pemain Amatur.

ARTIKEL 3: PENGEMBALIAN SEMULA STATUS AMATUR

1. Pemain yang didaftarkan sebagai Pemain Profesional tidak boleh mendaftar semula sebagai Pemain Amatur sehingga sekurang-kurangnya 30 hari selepas perlawanan terakhir beliau sebagai Pemain Profesional.
2. Tiada pampasan perlu dibayar apabila Pemain kembali ke status Amatur. Jika Pemain mendaftar semula sebagai Profesional dalam tempoh 30 bulan setelah berstatus Amatur, Pasukan Baharu hendaklah membayar Pampasan Latihan mengikut Artikel 20.

ARTIKEL 4: PENAMATAN AKTIVITI BOLASEPAK

1. Pemain-pemain Profesional yang menamatkan kerjaya mereka selepas tamat tempoh Kontrak dan Pemain-pemain Amatur yang menamatkan Aktiviti Bolasepak hendaklah kekal didaftarkan di Persatuan Bolasepak di mana Pasukan terakhir mereka bermain untuk tempoh 30 bulan.
2. Tempoh ini bermula pada hari Pemain membuat kemunculan terakhir untuk Pasukannya dalam Perlawanan Rasmi.

BAHAGIAN III : PENDAFTARAN PEMAIN**ARTIKEL 5: PENDAFTARAN**

1. Setiap Pemain mestilah didaftarkan melalui sistem Mypas di mana setiap Pemain akan diberi nombor pendaftaran semasa melakukan pendaftaran yang pertama. Pemain perlu didaftarkan di FAM untuk bermain mewakili Pasukan sama ada sebagai Profesional atau Amatur berdasarkan kepada peruntukan di Artikel 2. Hanya Pemain yang berdaftar sahaja layak mengambil bahagian di dalam Pertandingan yang diselenggarakan. Menerusi pendaftaran ini, Pemain bersetuju untuk mematuhi Statut dan Peraturan FIFA, AFC dan FAM.
2. Pemain hanya boleh didaftarkan untuk satu Pasukan pada satu-satu masa.
3. Pemain boleh didaftarkan dengan maksimum tiga Pasukan dalam satu musim. Semasa tempoh ini, Pemain hanya layak untuk bermain Perlawanan Rasmi buat dua Pasukan sahaja. Sebagai pengecualian kepada Peraturan ini, seseorang Pemain yang berpindah di antara dua kelab yang tertakluk kepada dua Persatuan Bolasepak Negara yang mempunyai musim bertindih (iaitu permulaan musim di musim panas/musim luruh berbanding musim sejuk/musim bunga) boleh bermain dalam Perlawanan Rasmi untuk kelab ketiga semasa musim yang berkaitan, dengan syarat Pemain tersebut telah sepenuhnya mematuhi kewajipan kontraknya terhadap kelab-kelabnya yang terdahulu. Sama juga, peruntukan yang berkaitan dengan tempoh pendaftaran (Artikel 6) serta kepada tempoh minimum kontrak (Artikel 18 perenggan 2) mestilah dihormati.
4. Pertimbangan yang sewajarnya hendaklah diberikan kepada integriti kesukanan dalam apa jua keadaan di dalam Pertandingan. Secara khususnya, Pemain tidak boleh bermain di dalam Perlawanan Rasmi untuk lebih daripada dua Pasukan bersaing di dalam Liga (seperti Liga Super, Liga Premier atau Liga FAM) atau Pertandingan peringkat Piala (seperti Piala FA atau Piala Malaysia) di dalam musim tersebut, tertakluk kepada Peraturan Khas Pertandingan oleh FAM.

Pertimbangan yang sewajarnya hendaklah diberikan kepada integriti kesukanan dalam apa jua keadaan di dalam Pertandingan. Secara khususnya, Pemain tidak boleh bermain di dalam Perlawanan Rasmi untuk lebih daripada dua Pasukan bersaing di dalam Pertandingan di dalam Musim tersebut, tertakluk kepada peraturan Pertandingan oleh FAM atau entiti undang-undang yang dilantik oleh FAM.

**ARTIKEL 6: TEMPOH PENDAFTARAN**

1. Pemain hanya boleh mendaftar dalam salah satu daripada dua Tempoh Pendaftaran setahun yang ditetapkan oleh FAM. FAM boleh menetapkan tarikh pendaftaran yang berbeza bagi Pertandingan lelaki dan wanita. Sebagai pengecualian kepada Peraturan ini, Pemain Profesional yang kontraknya telah tamat sebelum berakhir Tempoh Pendaftaran, boleh didaftarkan di luar Tempoh Pendaftaran tersebut. FAM hanya boleh mendaftarkan Pemain ini selepas pertimbangan yang sewajarnya diberikan kepada integriti kesukanan Liga-M. Sekiranya kontrak telah ditamatkan dengan alasan yang adil dan munasabah, FAM boleh mengambil langkah-langkah yang perlu untuk mengelakkan penyalahgunaan, tertakluk kepada Artikel 22.
2. Tempoh Pendaftaran pertama bermula selepas selesai Musim dan kebiasanya akan berakhir sebelum Musim baru bermula. Tempoh ini tidak boleh melebihi dua belas minggu. Tempoh Pendaftaran kedua dibuka semula di pertengahan Musim dan tidak boleh melebihi empat minggu. Dua Tempoh Pendaftaran ini hendaklah dimasukkan ke dalam sistem TMS sekurang-kurangnya 12 bulan sebelum ianya berkuatkuasa. FIFA akan menentukan tarikh-tarikh ini sekiranya mana-mana Persatuan Bolasepak Negara gagal memaklumkan perkara ini tepat pada masanya.
3. Pemain hanya boleh didaftarkan - tertakluk kepada pengecualian yang diperuntukkan di dalam Artikel 6, Perenggan 1 - setelah mengemukakan permohonan pendaftaran yang sah melalui sistem pendaftaran Pemain Mypas dari Pasukan ke FAM semasa tempoh yang dibenarkan.
4. Peruntukan mengenai Tempoh Pendaftaran tidak terpakai untuk Pertandingan di mana hanya pemain Amatur sahaja bermain. FAM atau entiti undang-undang akan menentukan tempoh masa Pemain boleh didaftarkan untuk Pertandingan tersebut dengan pertimbangan yang sewajarnya diberikan kepada integriti kesukanan Pertandingan berkenaan.

ARTIKEL 7: BUKU PASPORT PEMAIN

1. Pasukan bertanggungjawab untuk memaklumkan kepada FAM tentang Pemain yang telah didaftarkan dengan pasport Pemain yang mengandungi butiran yang berkaitan Pemain tersebut. Pasport Pemain hendaklah menunjukkan kelab/kelab-kelab yang mana Pemain tersebut telah didaftarkan sejak musim di hari lahir ke-12nya. Jika tarikh lahirnya jatuh di antara akhir dan awal musim, pasport Pemain ini akan menyatakan Pasukan di mana Pemain tersebut telah didaftarkan di musim berikutnya.



ARTIKEL 8: PERMOHONAN PENDAFTARAN

1. Permohonan untuk pendaftaran Pemain Profesional perlu dikemukakan bersama-sama salinan Kontrak Pemain. FAM mempunyai budi bicara untuk mengambil kira apa-apa pindaan atau perjanjian tambahan yang tidak diserahkan secara lengkap.

ARTIKEL 8A: KONTRAK

1. Hanya Kontrak yang disediakan oleh FAM sahaja yang diiktiraf dan disahkan bagi tujuan pendaftaran Pemain. Jika terdapat perbezaan kandungan Kontrak, maka salinan Kontrak yang dimuat naik dalam sistem pendaftaran Pemain Mypas adalah sah dan akan diguna pakai.

ARTIKEL 9: SIJIL PERPINDAHAN ANTARA PASUKAN (SPP) DAN SIJIL PERPINDAHAN ANTARABANGSA (ITC)

1. Pemain profesional dengan perpindahan tempatan hendaklah memohon Sijil Perpindahan antara Pemain (SPP) dan Pemain Profesional dengan perpindahan antarabangsa hendaklah memohon Sijil Perpindahan Antarabangsa (ITC).
2. Hanya kaedah yang ditetapkan di Lampiran 3A di Peraturan ini boleh digunakan untuk pendaftaran Pemain Tempatan. Sebarang kaedah yang berbeza tidak akan disahkan oleh FAM.
3. Pemain dengan perpindahan Antarabangsa hanya akan didaftarkan di FAM selepas ITC diterima. Hanya ITC elektronik yang dihasilkan melalui sistem TMS diiktiraf. Tatacara pengurusan TMS terkandung di dalam Lampiran 3, '*FIFA Regulations on the Status and Transfer of Players*'.
4. ITC dan SPP hendaklah dikeluarkan percuma tanpa apa-apa syarat atau had masa. Mana-mana peruntukan yang menyatakan sebaliknya dianggap terbatal dan tidak sah.
5. ITC tidak boleh dipohon untuk membolehkan Pemain menyertai perlawanan percubaan.
6. ITC tidak perlu untuk Pemain di bawah umur 10 tahun.
7. Persatuan yang baharu hendaklah memaklumkan persatuan (persatuan-persatuan), kelab (kelab-kelab) yang melatih dan mendidik pemain yang



berumur di antara 12 dan 23 (rujuk Artikel 7) secara bertulis dalam pendaftaran pemain sebagai seorang profesional selepas penerimaan ITC.

ARTIKEL 10: PINJAMAN PEMAIN PROFESIONAL

1. Pemain Profesional boleh dipinjamkan ke Pasukan lain berdasarkan perjanjian bertulis antara Pemain dan Pasukan yang berkenaan. Mana-mana pinjaman itu adalah tertakluk kepada peraturan yang sama seperti permohonan perpindahan pemain, termasuk peruntukan mengenai Pampasan Latihan dan Mekanisma Perpaduan.
2. Tertakluk kepada Artikel 5, Perenggan 3, tempoh minimum pinjaman Pemain hendaklah masa di antara dua Tempoh Pendaftaran.
3. Pasukan yang mengambil Pemain pinjaman tidak berhak untuk memindahkan beliau ke Pasukan lain tanpa kebenaran bertulis daripada Pasukan yang memberi kebenaran pinjaman tersebut dan juga Pemain berkenaan.

ARTIKEL 11: PEMAIN TIDAK BERDAFTAR

1. Jika Pasukan menurunkan Pemain yang tidak didaftarkan dengan FAM tetapi bermain di dalam mana-mana Perlawanan Rasmi atau Pertandingan adalah dianggap telah bermain secara tidak sah. Tanpa menjejaskan sebarang langkah yang perlu diambil untuk memperbetulkan kesan-kesan kesukanan ke atas kesalahan sebegini, tindakan juga boleh dikenakan ke atas Pemain, Pegawai dan/ atau Pasukan yang terlibat. Hak untuk mengenakan tindakan terletak kepada FAM.

ARTIKEL 12: PENGUATKUASAAN TINDAKAN DISIPLIN

1. Apa-apa tindakan tatatertib sehingga empat perlawanan atau sehingga tiga bulan yang telah dikenakan ke atas Pemain oleh persatuan yang terdahulu tetapi belum (sepenuhnya) dijalani oleh Pemain semasa perpindahan tersebut hendaklah dikuatkuasakan oleh Persatuan yang baharu di mana Pemain tersebut telah didaftarkan agar tindakan tatatertib ini dijalani di peringkat domestik. Apabila mengeluarkan ITC, Persatuan Bolasepak yang terdahulu hendaklah memberitahu Persatuan Bolasepak yang baharu melalui TMS tentang mana-mana tindakan tatatertib yang masih belum dijalani (sepenuhnya).
2. Sebarang tindakan tatatertib lebih daripada empat perlawanan atau lebih daripada tiga bulan yang masih belum lagi (sepenuhnya) dijalani oleh Pemain hendaklah dikuatkuasakan oleh Persatuan yang baharu yang telah mendaftarkan pemain hanya jika Jawatankuasa Tatatertib FIFA dan AFC telah



melanjutkan tindakan tata tertib berkuat kuasa di seluruh dunia. Selain itu, apabila mengeluarkan ITC, persatuan bolasepak yang lama hendaklah memaklumkan persatuan bolasepak yang baharu melalui TMS tentang mana-mana tindakan tata tertib yang belum dilaksanakan.

ARTIKEL 12A: BAYARAN TERTUNGGAK

1. Setiap Pasukan dikehendaki mematuhi obligasi kewangannya kepada Pemain dan Pasukan-pasukan lain mengikut terma yang dinyatakan di dalam Kontrak yang ditandatangani antara Pemain Profesional dan dalam perjanjian perpindahan.
2. Mana-mana Pasukan yang didapati telah menanggung bayaran melebihi 30 hari tanpa peruntukan '*prima facie*' dalam Kontrak boleh dihukum mengikut perenggan 4 di bawah.
3. Dalam Artikel ini, Pasukan yang akan dianggap mempunyai bayaran tertunggak, pemiutang (Pemain atau Pasukan) mesti meletakkan Pasukan penghutang yang ingkar secara bertulis dan memberikan tarikh akhir sekurang-kurangnya sepuluh (10) hari bagi pasukan penghutang untuk mematuhi obligasi kewangannya.
4. Dalam skop bidang kuasa (rujuk Artikel 22 bersesama dengan Artikel 23 dan 24), Jawatankuasa Status Pemain, Majlis Penyelesaian Resolusi Kebangsaan (NDRC), Pengerusi boleh mengenakan sekatan berikut:
 - a. amaran;
 - b. teguran;
 - c. denda;
 - d. larangan daripada mendaftar mana-mana pemain baharu, sama ada di peringkat kebangsaan atau antarabangsa, untuk satu atau dua keseluruhan dan berturut-turut tempoh pendaftaran.
5. Sekatan yang diperuntukkan dalam perenggan 4 di atas boleh dikenakan secara kumulatif.
6. Kesalahan yang berulang akan dianggap sebagai kesalahan yang lebih berat dan membawa kepada hukuman yang lebih berat.



7. Pelaksanaan larangan pendaftaran mengikut perenggan 4 (d) di atas boleh digantung. Dengan menggantung pelaksanaan larangan pendaftaran, Jawatankuasa atau NDRC yang boleh memutuskan untuk membenarkan Pasukan yang digantung akan diberi tempoh percubaan dari enam bulan hingga dua tahun.
8. Jika Pasukan yang mendapat manfaat daripada larangan pendaftaran yang melakukan pelanggaran lagi dalam tempoh percubaan, penggantungan secara automatik dibatalkan dan larangan pendaftaran dilaksanakan; ia ditambah dengan penggantungan pelanggaran yang baharu.
9. Syarat-syarat Artikel ini tidaklah menjejaskan permohonan langkah-langkah lebih lanjut berdasarkan dengan Artikel 17 sekiranya penamatan kontrak secara sebelah pihak.



BAHAGIAN IV : MEMELIHARA KESTABILAN KONTRAK DI ANTARA PEMAIN PROFESIONAL DAN PASUKAN

ARTIKEL 13: MEMATUHI KONTRAK

1. Kontrak antara Pemain Profesional dan Pasukan hanya boleh ditamatkan apabila tempoh Kontrak berakhir atau dengan persetujuan bersama.

ARTIKEL 13A: KONTRAK PEMAIN

1. Permohonan untuk mendaftarkan Pemain Profesional hendaklah disertakan dengan salinan Kontrak antara Pasukan dan Pemain.
2. Kontrak Pemain Profesional bagi tujuan pendaftaran mesti disetemkan dalam tempoh 30 hari selepas Kontrak itu ditandatangani dan perbelanjaan duti setem akan ditanggung oleh Pasukan.
3. Setiap Pasukan hendaklah memperbaharui Kontrak atau kontrak lanjutan kepada Pemain enam bulan sebelum Kontrak tamat dengan terma dan syarat sebagaimana yang ditetapkan di dalam Lampiran 3A, Artikel 3.2.
4. Pemain dibenarkan untuk berunding dan menandatangani kontrak dengan Pasukan Baharu enam (6) bulan sebelum tamat kontrak dengan Pasukan Asal jika Pemain masih tidak melanjutkan kontrak dengan Pasukan Asal. Sekiranya Pemain masih lagi mempunyai Kontrak melebihi enam (6) bulan dan ke atas dengan Pasukan Asal, Pasukan Baharu mestilah mendapatkan persetujuan dan kebenaran dari Pasukan Asal sebelum berunding dengan Pemain.
5. Bagi Pemain yang masih mempunyai kontrak melebihi enam (6) bulan dengan Pasukan Asal dan telah mendapat tawaran dari Pasukan Baharu, sekiranya Pasukan Asal bersetuju untuk membenarkan Pemain berunding mengenai tawaran baharu dari Pasukan Baharu, maka Pasukan Baharu dan Pemain dibenarkan untuk berunding mengenai terma Kontrak tersebut.
6. Merujuk kepada perenggan 5 di atas, jika Pasukan Asal tidak bersetuju dengan hasrat Pasukan Baharu untuk berunding dengan Pemain Profesional tersebut, maka Pasukan Baharu tidak boleh menghubungi atau berunding dengan Pemain dari tarikh surat penolakan dikeluarkan iaitu dalam tempoh 14 hari dari tarikh permohonan rundingan dibuat. Pasukan Asal hanya boleh menolak permohonan itu jika;



- a. Kontrak Pemain Profesional masih belum tamat dan tiada persetujuan awal untuk menamatkan Kontrak sedia ada di antara Pemain dengan Pasukan Asal.

ARTIKEL 14: PENAMATAN KONTRAK DENGAN SEBAB YANG MUNASABAH

1. Kontrak boleh ditamatkan oleh mana-mana pihak tanpa sebarang akibat (sama ada pembayaran gantirugi atau dikenakan tindakan kesukanan) di atas sebab adil dan munasabah.

ARTIKEL 14A: PENAMATAN KONTRAK DENGAN SEBAB YANG MUNASABAH UNTUK GAJI YANG TERTUNGGAK

1. Dalam hal Pasukan yang gagal membayar Pemain sekurang-kurangnya dua bulan gaji pada tarikh matang, Pemain akan dianggap mempunyai sebab yang munasabah untuk menamatkan kontraknya, dengan syarat bahawa Pemain telah meletakkan Pasukan yang berhutang secara bertulis dan telah memberikan sekurang-kurangnya 15 hari untuk Pasukan yang berhutang untuk mematuhi sepenuhnya tanggungjawab kewangannya. Peruntukan alternatif dalam kontrak yang sedia ada pada masa peruntukan ini berkuatkuasa boleh dipertimbangkan.
2. Untuk apa-apa gaji Pemain yang tidak perlu dibayar secara bulanan, pro-rata nilai yang bersamaan dengan dua bulan akan dipertimbangkan. Pembayaran tertunggah jumlah yang bersamaan dengan sekurang-kurangnya dua bulan juga dianggap adil menyebabkan pemain untuk menamatkan kontraknya, tertakluk kepadanya mematuhi notis penamatan sebagaimana perenggan 1 di atas.

ARTIKEL 15: PENAMATAN KONTRAK ATAS SEBAB KESUKANAN YANG MUNASABAH

1. Seorang Pemain Profesional, yang dalam Musim semasa, membuat penampilan kurang daripada sepuluh peratus (10%) daripada Perlawanan Rasmi di mana Pasukannya telah terlibat boleh menamatkan kontraknya lebih awal atas alasan kesukanan yang munasabah. Pertimbangan yang sewajarnya hendaklah diberikan kepada keadaan Pemain dalam penilaian kes-kes tersebut. Penamatan atas sebab kesukanan yang munasabah hendaklah dinilai berdasarkan kes demi kes. Dalam kes seperti ini, sekatan kesukanan tidak akan dikenakan, walaupun pampasan boleh dibayar. Pemain hanya boleh menamatkan Kontrak beliau berdasarkan Artikel ini dalam tempoh 15 hari selepas Perlawanan Rasmi terakhir Musim Pasukan yang Pemain didaftarkan.

ARTIKEL 16: KAWALAN TERHADAP PENAMATAN KONTRAK SEMASA MUSIM

1. Kontrak tidak boleh ditamatkan oleh sebelah pihak semasa musim berlangsung.

ARTIKEL 17: AKIBAT MENAMATKAN KONTRAK TANPA SEBAB YANG MUNASABAH

Peruntukan-peruntukan berikut berkuatkuasa jika Kontrak ditamatkan tanpa sebab yang adil dan munasabah:

1. Dalam kesemua kes, pihak yang ingkar harus membayar pampasan. Tertakluk kepada peruntukan di Artikel 20 dan Lampiran 4 berhubung Pampasan Latihan, melainkan jika diperuntukkan sebaliknya di dalam Kontrak, pampasan kerana ingkar hendaklah dikira dengan pertimbangan yang sewajarnya mengikut undang-undang Negara, kekhususan kesukanan dan berdasarkan kriteria tertentu Kontrak berkenaan. Kriteria-kriteria ini hendaklah termasuk, secara khususnya, ganjaran dan lain-lain faedah yang harus dibayar kepada Pemain di bawah Kontrak yang sedia ada dan/atau Kontrak yang baharu, baki masa yang terdapat pada Kontrak sedia ada sehingga maksimum lima tahun, yuran dan perbelanjaan yang dibayar atau ditanggung oleh Pasukan terdahulu (diperlunaskan sepanjang tempoh Kontrak) dan sama ada pelanggaran Kontrak jatuh dalam Tempoh Dilindungi.

Berdasarkan prinsip-prinsip yang dinyatakan di atas, pampasan kepada Pemain hendaklah dikira seperti berikut:

- a. sekiranya Pemain tidak menandatangani sebarang kontrak baharu berikutan penamatan kontrak terdahulu, sebagai peraturan umum, pampasan hendaklah bersamaan dengan nilai baki kontrak yang ditamatkan secara awal;
- b. sekiranya Pemain menandatangani Kontrak baharu pada masa keputusan itu, nilai Kontrak baharu untuk tempoh yang bersamaan dengan masa itu bersamaan dengan baki Kontrak yang ditamatkan sebelum ini akan ditolak dari nilai baki kontrak yang ditamatkan lebih awal ("Pampasan Dikurangkan"). Tambahan pula, dan tertakluk kepada penamatan awal kontrak yang disebabkan oleh hutang yang tertunggak, tambahan kepada pampasan dikurangkan, Pemain berhak untuk jumlah yang bersamaan dengan tiga gaji bulanan ("Tambahan Pampasan"). Sekiranya berlaku keadaan yang luar biasa, Tambahan Pampasan boleh ditingkatkan sehingga maksimum enam bulan gaji. Pampasan



keseluruhan tidak boleh melebihi nilai keseluruhan kontrak awal ditamatkan.

2. Hak membayar pampasan tidak boleh diberikan kepada pihak ketiga. Jika Pemain Profesional dikehendaki untuk membayar pampasan, Pemain tersebut dan Pasukan Baharu hendaklah secara bersama atau berasingan bertanggungjawab ke atas bayaran tersebut. Jumlah bayaran boleh ditetapkan di dalam Kontrak atau dipersetujui oleh kedua-dua belah pihak.
3. Sebagai tambahan kepada tanggungjawab membayar pampasan, tindakan-tindakan kesukanan juga akan dikenakan ke atas mana-mana Pemain yang didapati melanggar Kontrak. Tindakan ini berupa sekatan empat bulan daripada bermain dalam perlawanan rasmi. Dalam hal-hal yang lebih membawa kemudaran, sekatan ini boleh dilanjutkan selama enam bulan. Sekatan-sekatan ini berkuatkuasa serta-merta setelah Pemain dimaklumkan mengenai keputusan berkenaan. Tindakan kesukanan tersebut hendaklah kekal dalam tempoh antara perlawanan rasmi terakhir Musim semasa dan perlawanan rasmi pertama Musim seterusnya, Penggantungan tindakan-tindakan kesukanan ini, bagaimanapun, tidak terpakai jika Pemain adalah sah mewakili skuad Kebangsaan, dan Malaysia mengambil bahagian dalam pertandingan akhir kejohanan antarabangsa dalam tempoh di antara perlawanan terakhir dan perlawanan pertama Musim yang akan datang. Pelanggaran Kontrak sebelah pihak tanpa alasan yang adil dan munasabah atau alasan kesukanan yang adil dan munasabah selepas Tempoh Dilindungi tidak akan menyebabkan tindakan-tindakan kesukanan. Tindakan-tindakan tatatertib boleh, walau bagaimanapun, dikenakan di luar Tempoh Dilindungi jika gagal memberi notis penamatan dalam tempoh 15 hari dari tarikh perlawanan rasmi terakhir Musim (termasuk Piala Malaysia dan Piala FA) bagi Pasukan di mana Pemain didaftarkan. Tempoh Dilindungi bermula sekali lagi apabila, semasa memperbaharui Kontrak, tempoh Kontrak sebelumnya dilanjutkan.
4. Tindakan-tindakan kesukanan juga boleh dikenakan ke atas mana-mana Pasukan yang didapati melanggar Kontrak atau didapati mendorong kepada pembubaran Kontrak dalam Tempoh Dilindungi. Mana-mana Pasukan yang didapati telah mendorong Pemain Profesional untuk mengingkari Kontrak dengan menamatkan Kontrak tanpa sebab yang adil dan munasabah, maka Pasukan tersebut dilarang daripada mendaftar mana-mana Pemain baharu, sama ada Pemain Tempatan atau Pemain Asing, untuk dua Tempoh Pendaftaran keseluruhan secara berturut-berturut. Pasukan boleh mendaftar Pemain baharu, sama ada Pemain Tempatan atau Pemain Asing, hanya selepas tindakan kesukanan berkaitan dijalani sepenuhnya. Secara khususnya, ia tidak boleh menggunakan pengecualian dan langkah-langkah

yang perlu seperti yang ditetapkan di dalam Artikel 6, Perenggan 1 untuk mendaftarkan Pemain.

5. Mana-mana pihak iaitu Pegawai Pasukan, Ejen Pemain, Pemain dan lain-lain tertakluk kepada Statut dan Peraturan FAM yang bertindak dengan tujuan mempengaruhi supaya Kontrak di antara Pemain dan Pasukan tidak dipatuhi, dalam usaha membolehkan pemindahan Pemain akan diambil tindakan.

ARTIKEL 18: PERUNTUKAN KHAS BERKAITAN KONTRAK ANTARA PEMAIN PROFESIONAL DAN PASUKAN

1. Sekiranya Perantara Pemain terlibat sama dalam rundingan Kontrak maka Perantara haruslah dinamakan di dalam Kontrak tersebut. Perantara tersebut mestilah wajib berdaftar dengan FAM.
2. Tempoh minimum Kontrak hendaklah dari tarikh berkuatkuasanya Kontrak tersebut sehingga akhir Musim, manakala tempoh maksimum Kontrak hendaklah lima tahun. Kontrak selain daripada tempoh ini hanya boleh dibenarkan jika selaras dan mematuhi undang-undang negara. Pemain di bawah umur 18 tahun tidak boleh menandatangani Kontrak Profesional untuk tempoh lebih daripada tiga tahun. Sebarang peruntukan yang merujuk kepada tempoh lebih panjang tidak akan diiktiraf. Tarikh bermula dan berakhir Kontrak hendaklah dinyatakan dalam setiap Kontrak Pemain. Lain-lain terma selain dari tarikh bermula dan tamat adalah tidak sah.
3. Pasukan Baharu yang berhasrat untuk memasuki Kontrak dengan Pemain Profesional hendaklah memaklumkan Pasukan Asal secara bertulis sebelum membuat apa-apa rundingan dengan Pemain tersebut. Pemain hanya bebas untuk memasuki sebarang Kontrak dengan Pasukan Baharu jika Kontrak dengan Pasukan Asal telah tamat atau akan tamat dalam tempoh enam (6) bulan. Sekiranya melanggar peruntukan ini tindakan yang sewajarnya akan diambil mengikut Artikel 1, Perenggan 5.
4. Kesahihan sesuatu Kontrak tidak tertakluk kepada kelulusan pemeriksaan perubatan dan/atau pemberian permit kerja.
5. Jika Pemain Profesional mempunyai lebih daripada satu Kontrak yang meliputi tempoh yang sama, peruntukan-peruntukan yang ditetapkan di Bahagian IV hendaklah dirujuk dan digunapakai.
6. Klausula kontrak memberikan kelebihan masa kepada Pasukan untuk membayar kepada Pemain Profesional jumlah yang telah jatuh di bawah terma kontrak (yang dipanggil "tempoh penangguhan") tidak akan diiktiraf. Tempoh



Penangguhan yang terkandung dalam perjanjian kolektik yang sah dirundingkan oleh Pasukan dan Pemain di peringkat domestik mengikut undang-undang negara hendaklah, walaupun bagaimanapun, mengikat dan diiktiraf secara sah. Kontrak yang ada pada masa peruntukan ini berkuat kuasa tidak akan terjejas dengan larangan ini.

**BAHAGIAN V : PENGARUH PIHAK KETIGA****ARTIKEL 18A: PENGARUH PIHAK KETIGA KE ATAS PASUKAN**

1. Pasukan adalah tidak dibenarkan menyempurnakan suatu Kontrak yang membolehkan mana-mana pihak lain atau pihak ketiga mempengaruhi dalam perkara-perkara yang berkaitan dengan Kontrak dan hal ehwal perpindahan berkaitan kebebasan perundingan Kontrak oleh Pemain dan Pasukan, dasar-dasarnya atau prestasi Pasukan.
2. Jawatankuasa Tatatertib, FAM boleh mengenakan langkah-langkah tatatertib mengikut Kod Tatatertib pada Pasukan yang tidak mematuhi kewajipan-kewajipan yang ditetapkan dalam Artikel ini.

ARTIKEL 18B: PEMILIKAN PIHAK KETIGA HAK-HAK EKONOMI PEMAIN

1. Tiada Pasukan atau Pemain yang boleh memasuki suatu perjanjian dengan pihak ketiga yang mana pihak ketiga tersebut berhak untuk mengambil bahagian, sama ada sepenuhnya atau sebahagian, dalam pampasan yang perlu dibayar berhubung dengan perpindahan Pemain pada masa depan dari satu kelab ke kelab yang lain, atau sedang diberikan apa-apa hak berkaitan dengan perpindahan pada masa depan atau pampasan perpindahan.
2. Larangan mengikut perenggan 1 mula berkuat kuasa pada 1 Mei 2015.
3. Perjanjian yang melibatkan perenggan 1 yang wujud sebelum 1 Mei 2015 boleh diteruskan sehingga tamat kontrak. Walau bagaimanapun, tempoh tersebut tidak boleh dilanjutkan.
4. Kesahihan apa-apa perjanjian yang berkaitan dengan perenggan 1 yang ditandatangani antara satu Januari 2015 dan 30 April 2015 tidak boleh mempunyai tempoh Kontrak lebih daripada satu tahun selepas tarikh efektif.
5. Pada akhir April 2015, semua perjanjian yang sedia ada dilindungi oleh perenggan 1 perlu direkodkan dalam Sistem Transfer Matching (TMS). Semua Pasukan yang telah menandatangani perjanjian tersebut perlu memuat naik secara keseluruhannya, termasuk sebarang lampiran atau pindaan, di TMS, dengan menyatakan butir-butir pihak ketiga yang berkenaan, nama penuh Pemain serta tempoh perjanjian.
6. Jawatankuasa Tatatertib FAM boleh mengenakan tindakan tatatertib ke atas Pasukan atau Pemain yang tidak mematuhi obligasi yang dinyatakan dalam Artikel ini.

**BAHAGIAN VI : PERPINDAHAN ANTARABANGSA MEMBABITKAN PEMAIN BAWAH UMUR****ARTIKEL 19: PERLINDUNGAN PEMAIN BAWAH UMUR**

1. Perpindahan Pemain hanya dibenarkan jika Pemain melebihi umur 18 tahun. perpindahan antarabangsa Pemain hanya dibenarkan jika Pemain melebihi umur 18 tahun.
2. Berikut adalah pengecualian kepada Peraturan ini:
 - a. Ibu bapa Pemain berpindah ke negara Pasukan Baharu berada, atas alasan tidak berkaitan dengan bolasepak.
 - b. Pemindahan berlaku dalam wilayah Kesatuan Eropah (EU) atau Kawasan Ekonomi Eropah (EEA) dan Pemain berusia antara 16 dan 18 tahun. Dalam kes ini, Pasukan Baharu harus memenuhi syarat-syarat minimum seperti berikut:
 - i. Pasukan Baharu akan menyediakan kepada Pemain dengan pendidikan bolasepak yang mencukupi dan/atau latihan selaras dengan piawaian tertinggi.
 - ii. Pasukan Baharu akan menjamin Pemain latihan akademik dan/atau sekolah dan/atau pendidikan vokasional dan/atau latihan, sebagai tambahan kepada pendidikan bolasepaknya dan/atau latihan, yang akan membolehkan Pemain untuk meneruskan satu kerjaya selain bolasepak sekiranya Pemain berhenti bermain bolasepak secara professional.
 - iii. Pasukan Baharu akan mengatur semua keperluan untuk memastikan bahawa Pemain itu dijaga dengan cara yang terbaik (piawaian hidup yang optimum dengan keluarga angkat atau asrama Pasukan, pelantikan mentor di Pasukan, dan sebagainya).
 - iv. Pasukan Baharu hendaklah, apabila pendaftaran Pemain tersebut, memberikan persatuan bolasepak yang berkenaan dengan bukti bahawa ia mematuhi kewajipan yang disebutkan di atas.
 - c. Pemain ini tidak tinggal jauh dari 50 kilometer dari sempadan negara dan Pasukan yang mana Pemain ingin didaftarkan di Persatuan jiran

juga berada dalam jarak 50km dari sempadan tersebut. Jarak maksimum antara tempat asal Pemain dan ibu pejabat Pasukan itu hendaklah dalam 100 kilometer. Dalam kes sedemikian, Pemain mesti terus tinggal di rumah dan kedua-dua Persatuan yang berkenaan mesti memberi persetujuan mereka secara bersama.

3. Syarat-syarat di Artikel ini juga tergunapakai kepada mana-mana Pemain yang sebelum ini tidak pernah berdaftar dengan mana-mana Pasukan dan bukan Pemain berasal daripada Pasukan Baharu di mana beliau ingin didaftarkan buat kali pertama dan tidak tinggal secara berturut-turut sekurang-kurangnya dalam tempoh lima tahun yang lalu di dalam negara tersebut.
4. Setiap perpindahan antarabangsa mengikut perenggan 2 dan setiap pertama pendaftaran mengikut perenggan 3, serta setiap pendaftaran pertama Pemain Asing yang bawah umur yang telah menetap selama sekurang-kurangnya lima tahun yang lalu di negara yang dia mahu didaftarkan, adalah tertakluk kepada kelulusan daripada Jawatankuasa Status Pemain FIFA untuk tujuan tersebut. Permohonan untuk kelulusan hendaklah dikemukakan oleh Persatuan yang ingin mendaftarkan Pemain. Persatuan yang terdahulu akan diberikan peluang untuk menyatakan kedudukannya. Kelulusan Jawatankuasa Status Pemain FIFA hendaklah diperolehi sebelum permintaan dari Persatuan untuk ITC dan/atau pendaftaran pertama. Mana-mana pelanggaran peruntukan ini akan dikenakan tindakan oleh Jawatankuasa Tatatertib FIFA mengikut Kod Tatatertib FIFA. Selain persatuan yang gagal memohon kepada Jawatankuasa Status Pemain FIFA, sekatan juga boleh dikenakan ke atas persatuan yang terdahulu yang mengeluarkan ITC tanpa kelulusan Jawatankuasa Status Pemain FIFA, serta pada pasukan-pasukan yang mencapai persetujuan untuk perpindahan daripada seorang Pemain bawah umur.
5. Prosedur untuk permohonan ke Jawatankuasa Status Pemain FIFA bagi pendaftaran pertama dan perpindahan antarabangsa Pemain bawah umur terkandung di Lampiran 2 Peraturan ini.

ARTIKEL 19A: SISTEM PENDAFTARAN DAN MELAPORKAN PEMAIN BAWAH UMUR DI DALAM AKADEMI BOLASEPAK

1. Pasukan yang mengusahakan Akademi Bolasepak dengan sah, yang mempunyai hubungkait secara langsung atau dari segi kewangan dengan Pasukan, mestilah melaporkan semua pemain-pemain bawah umur yang menyertai Akademi tersebut ke FAM.



2. FAM adalah bertanggungjawab untuk memastikan bahawa semua Akademi yang tidak mempunyai hubungkait secara sah dan langsung dari segi undang-undang, kewangan atau de facto dengan sesebuah Pasukan:
 - a. mengambil bahagian dalam Pertandingan; semua Pemain hendaklah dilaporkan kepada FAM, atau didaftarkan dengan Pasukan itu sendiri; atau
 - b. melaporkan semua pemain-pemain bawah umur yang menyertai latihan di Akademi berkenaan kepada FAM.
3. FAM akan menyimpan pendaftaran Pemain yang terdiri daripada nama dan tarikh lahir pemain-pemain bawah umur yang telah dilaporkan ini.
4. Dengan melaporkan Pemain bawah umur ini, Akademi bolasepak dan Pemain hendaklah berusaha untuk mempraktikkan bolasepak mengikut Statut FIFA dan Statut FAM dan menghormati serta meningkatkan prinsip-prinsip etika bolasepak yang dipertandingkan.
5. Sebarang ketidakpatuhan akan dikenakan tindakan oleh Jawatankuasa Tatatertib, FAM mengikut Kod Tatatertib FAM.
6. Artikel 19A ini juga digunapakai bagi melaporkan semua Pemain bawah umur yang bukan warganegara Malaysia.

BAHAGIAN VII : PAMPASAN LATIHAN DAN MEKANISMA PERPADUAN**ARTIKEL 20: PAMPASAN LATIHAN**

1. Pampasan Latihan hendaklah dibayar kepada Pasukan yang melatih Pemain:
 - a. apabila Pemain menandatangani Kontrak pertamanya sebagai Pemain Profesional, dan
 - b. pada setiap perpindahan Pemain Profesional sehingga penamat musim pada hari lahir ke-23 beliau.
2. Tanggungjawab untuk membayar Pampasan Latihan tetap dikenakan sama ada perpindahan pemain berlaku ketika Kontrak masih ada atau pada akhir Kontrak Pemain. Peruntukan berkenaan Pampasan Latihan dinyatakan di dalam Lampiran 4 Peraturan ini. Pampasan Latihan tidak terpakai kepada Bolasepak Wanita.

ARTIKEL 21: MEKANISMA PERPADUAN

1. Jika Pemain Profesional berpindah ke Pasukan Baharu sebelum tamat tempoh Kontrak beliau, mana-mana Pasukan yang telah menyumbang untuk pendidikan dan latihannya, hendaklah menerima sebahagian kadar pampasan yang dibayar kepada Pasukan Asal (Sumbangan Perpaduan). Peruntukan mengenai Sumbangan Perpaduan dinyatakan di dalam Lampiran 5 Peraturan ini.

ARTIKEL 21A: BAYARAN YURAN PERPINDAHAN

1. Tanggungjawab untuk membayar Yuran Perpindahan terletak pada semua Pasukan Baharu.
2. Yuran Perpindahan hendaklah dibayar kepada Pasukan Asal disebabkan Pemain Profesional berpindah sebelum Kontrak berakhir.

**BAHAGIAN VIII : BIDANG KUASA FAM****ARTIKEL 22: KEWIBAWAAN FAM**

1. Tanpa menjejaskan hak mana-mana Pemain atau Pasukan untuk membawa kes ke mahkamah bagi sebarang pertikaian yang berkaitan dengan perkara-perkara yang diperuntukkan dalam Peraturan ini, FAM dengan sewajarnya akan mendengar:
 - a. pertikaian di antara Pasukan dan Pemain berhubung dengan kestabilan kontrak (Artikel 13-18), di mana (jika ada) terdapat permintaan ITC dan tuntutan daripada pihak yang berkepentingan berhubung dengan permintaan ITC, khususnya mengenai isu ITC, sekatan kesukuan atau pampasan bagi pelanggaran kontrak;
 - b. Pertikaian berkaitan kontrak antara Pasukan dan Pemain; pihak-pihak yang dinyatakan di atas hendaklah diputuskan oleh NDRC yang telah ditubuhkan di peringkat kebangsaan dalam rangka FAM. Apa-apa fasal timbang tara itu hendaklah dimasukkan sama ada secara langsung dalam kontrak atau dalam penawaran perjanjian yang kolektif berkenaan pihak-pihak yang terlibat. NDRC yang bebas mesti menjamin prosiding yang adil dan menghormati prinsip perwakilan yang sama untuk pemain dan kelab;
 - c. Perselisihan di kalangan Jurulatih dan Pasukan dalam perkara-perkara berkaitan dengan Aktiviti Bolasepak;
 - d. Perselisihan berkaitan dengan Pampasan Latihan (Artikel 20) dan Mekanisma Perpaduan (Artikel 21) antara pasukan-pasukan di FAM;
 - e. Perselisihan mengenai pelepasan Pemain untuk mewakili Pasukan Malaysia;
 - f. Perselisihan mengenai isi kandungan yang ditetapkan di dalam Peraturan ini;
 - g. Perselisihan di antara Perantara dengan Pasukan, Jurulatih atau Pemain.

**ARTIKEL 23: JAWATANKUASA STATUS, FAM**

1. Jawatankuasa Status akan memutuskan mana-mana kes yang dijelaskan di bawah Artikel 22 c), e), f) dan g) serta semua pertikaian lain yang timbul daripada pemakaian peraturan ini.
2. Dalam kes yang tidak dapat ditentukan sama ada termasuk di bawah bidang kuasa Jawatankuasa Status FAM atau Jawatankuasa Tatatertib FAM, atau NDRC, Pengerusi Jawatankuasa Status FAM hendaklah memutuskan Jawatankuasa yang mana mempunyai bidang kuasa.
3. Jawatankuasa Status FAM di dalam mesyuarat akan mengadili kes di hadapan sekurang-kurangnya tiga orang ahli, termasuk Pengerusi atau Timbalan Pengerusi, melainkan jika kes itu boleh diselesaikan oleh Pengerusi Jawatankuasa Status FAM.
4. Panduan tatacara mesyuarat bagi membincangkan dan menyelesaikan perselisihan di antara pihak-pihak yang terlibat dinyatakan seperti di bawah:
 - a. Pihak Pengadu dan Responden atau Wakil kepada kedua-dua pihak hendaklah dijemput hadir ke mesyuarat ini. Pihak Pengadu dan Responden hanya dibenarkan masuk ke bilik mesyuarat apabila diminta berbuat demikian oleh Pengerusi mesyuarat.
 - b. Mesyuarat dimulakan dengan melihat affidavit aduan oleh pengadu, affidavit jawapan oleh Responden, ringkasan kes disediakan oleh Sekretariat serta menyemak Peraturan Status dan Perpindahan Pemain, Persatuan Bolasepak Malaysia. Dalam keadaan-keadaan tertentu Pengerusi boleh merujuk kepada 'FIFA Regulations on the Status and Transfer of Players' sebagai panduan.
 - c. Pada bila-bila masa ketika mesyuarat berlangsung, pihak Pengadu atau Responden boleh dipanggil masuk ke bilik mesyuarat jika perlu, bagi memberikan keterangan lanjut untuk menjelaskan kekaburan affidavit aduan atau affidavit jawapan yang dikemukakan.
 - d. Setelah keputusan mengenai kes tersebut dicapai dan dipersetujui oleh semua ahli mesyuarat, Pengerusi akan memanggil pihak Pengadu dan Responden ke bilik mesyuarat untuk mendengar keputusan kes yang akan disampaikan oleh Pengerusi. Ketika ini, pihak Pengadu dan Responden tidak dibenarkan membuat apa-apa rayuan ke atas keputusan tersebut. Rayuan hendaklah dibuat secara rasmi ke Jawatankuasa Rayuan, FAM.

**ARTIKEL 23A: MAJLIS RESOLUSI PERTELINGKAHAN KEBANGSAAN**

1. Majlis Resolusi Pertelingkahan Kebangsaan (NDRC) hendaklah mengadakan mana-mana hal yang dinyatakan di bawah Artikel 22 a), b) dan d) kecuali pertikaian mengenai isu yang melibatkan ITC.
2. NDRC akan diadakan di hadapan sekurang-kurangnya tiga orang ahli, termasuk Pengerusi atau Timbalan Pengerusi, melainkan jika kes itu adalah kes yang boleh diselesaikan oleh seorang hakim NDRC. Ahli-ahli NDRC hendaklah menamakan seorang hakim NDRC untuk Pasukan dan satu untuk Pemain dari kalangan ahli-ahlinya. Hakim NDRC boleh mengadakan dalam hal-hal yang berikut:
 - a. semua pertikaian undang-undang di bawah Artikel 22 a), b) dan d);
 - b. pertikaian yang berkaitan dengan pampasan latihan tanpa fakta yang kompleks atau isu-isu undang-undang, atau di mana NDRC sudah mempunyai undang-undang yang jelas;
 - c. pertikaian yang berkaitan dengan mekanisma perpaduan tanpa fakta yang kompleks atau isu undang-undang, atau di mana NDRC sudah mempunyai undang-undang yang jelas. Pertikaian di bawah Artikel 22 a), b) dan d) diadakan oleh Pengerusi Atau Timbalan Pengerusi sebagai hakim tunggal. Pengerusi atau Timbalan Pengerusi (sepertimana yang berkenaan), wajib untuk merujuk kes-kes berkaitan isu-isu asas kepada NDRC. NDRC hendaklah terdiri daripada bilangan yang sama antara wakil Pasukan dan Pemain, kecuali dalam kes-kes yang boleh diselesaikan oleh seorang Pengerusi atau Timbalan Pengerusi. Setiap pihak hendaklah didengari dalam prosiding tersebut. Keputusan yang dicapai oleh NDRC atau Pengerusi atau Timbalan Pengerusi boleh dirayu di Majlis Rayuan Resolusi Pertelingkahan Kebangsaan (NDRAC).

ARTIKEL 23B: PELAKSANAAN KEPUTUSAN KEWANGAN

1. Apabila mengarahkan pihak (Pasukan atau Pemain) untuk membayar pihak lain (Pasukan atau Pemain) jumlah wang (jumlah atau pampasan yang tertunggak), Jawatankuasa Status, Pengerusi atau Timbalan Pengerusi NDRC atau Pengerusi atau Timbalan Pengerusi NDRAC juga akan memutuskan akibat kegagalan membayar jumlah yang berkaitan pada waktu yang ditetapkan.
2. Akibat tersebut hendaklah dimasukkan dalam alasan keputusan dan akan menjadi yang berikut:



- a. Terhadap Pasukan, larangan untuk mendaftarkan mana-mana Pemain baharu, sama ada di peringkat nasional atau antarabangsa, sehingga jumlah dibayar. Keseluruhan tempoh larangan pendaftaran, termasuk kemungkinan maksimum sekatan kesukanan, hendaklah terdiri daripada tiga tempoh pendaftaran keseluruhan dan berturut-turut;
 - b. Terhadap pemain, sekatan untuk bermain dalam Perlawanan Rasmi sehingga jumlah tunggakan dibayar. Tempoh maksimum keseluruhan sekatan, termasuk kemungkinan sekatan sukan, dari enam bulan bermain Perlawanan Rasmi.
3. Larangan atau sekatan tersebut akan ditamatkan sebelum tamat tempoh larangan, sebaik sahaja jumlah tunggakan dibayar.
 4. Larangan atau sekatan tersebut akan terpakai jika amaun yang terhutang tidak dibayar dalam masa tiga puluh (30) hari sejak Pemiutang telah memberikan kepada Penghutang dengan butiran bank yang diperlukan untuk pembayaran sementara keputusan yang relevan menjadi sah dan mengikat kedua-dua pihak.

ARTIKEL 24: JAWATANKUASA RAYUAN, FAM

1. Jawatankuasa Rayuan, FAM akan mengadili mana-mana kes yang dinyatakan di bawah Artikel 22 c), e), f) dan g).
2. Jawatankuasa Rayuan, FAM akan mengadili kes di hadapan sekurang-kurangnya tiga orang ahli, termasuk Pengerusi atau Timbalan Pengerusi, melainkan jika kes itu adalah daripada jenis yang boleh diselesaikan oleh seorang hakim dari Jawatankuasa Rayuan, FAM.
3. Jawatankuasa Rayuan, FAM hendaklah memutuskan rayuan yang dibuat oleh Pasukan, Pegawai atau Pemain mengikut Peraturan ini and Kod Tata tertib FAM.

ARTIKEL 24A: MAJLIS RAYUAN RESOLUSI PERTELINGKAHAN KEBANGSAAN

1. Majlis Rayuan Resolusi Pertelingkahan Kebangsaan ("NDRAC") akan mengadili mana-mana kes yang dinyatakan di bawah Artikel 22 a), b) dan d) kecuali pertikaian mengenai isu yang melibatkan ITC.



2. NDRAC akan mengadili kes di hadapan sekurang-kurangnya tiga orang ahli, termasuk Pengerusi atau Timbalan Pengerusi, melainkan jika kes itu adalah daripada jenis yang boleh diselesaikan oleh seorang hakim dari NDRAC.
3. NDRAC hendaklah memutuskan rayuan yang dibuat oleh Pasukan, Pegawai atau Pemain mengikut Peraturan ini, peraturan NDRC and Kod Tatatertib FAM.

ARTIKEL 25: TATACARA PENYELESAIAN PERTIKAIAN

1. Semua perkara-perkara yang berkaitan Status dan Perpindahan Pemain FAM akan diselia oleh Jawatankuasa Status FAM atau NDRC yang mana keputusannya adalah muktamad. Bagi kes yang tertakluk di bawah bidang kuasa NDRC, pertikaian tersebut mestilah merujuk Peraturan NDRC dan Peraturan ini. Dalam kes yang tidak jelas tentang sesuatu pertikaian, Jawatankuasa Tatatertib, FAM boleh, dalam bidang kuasanya, menjalankan suatu siasatan mengenai isu khas tersebut. Berikut adalah tatacara penyelesaian pertikaian yang digunapakai di antara pihak-pihak yang terlibat:
 - a. Jawatankuasa Status FAM hendaklah mengadili kes selepas penerimaan aduan yang sah. Prosiding itu hendaklah bermula selepas Pengadu memfailkan aduan mengenai pertikaian antara Pasukan, Jurulatih, Perantara atau Pemain mengikut semua Peraturan ini dan tatacara kepada FAM. Aduan akan dirujuk kepada Pengerusi Jawatankuasa dan keputusan akan diputuskan sama ada untuk:
 - i. Menerima aduan tersebut, atau
 - ii. Menolak aduan tersebut.
 - b. Jika Pengerusi menerima aduan tersebut, Pengerusi hendaklah mengarahkan sekretariat memohon kepada Pengadu untuk memasukkan afidavit bagi menyokong pada masa yang ditetapkan.
 - c. Jika Pengadu gagal memasukkan afidavit aduan pada tarikh yang ditetapkan, maka aduan oleh Pengadu adalah tidak sah dan terbatal. Dalam kes aduan yang boleh menjejaskan imej atau reputasi Responden, Jawatankuasa boleh mengenakan tindakan terhadap Pengadu.
 - d. Jika Pengadu telah memasukkan afidavit tersebut mengikut Artikel 25, Perenggan 1(b), maka pihak Sekretariat akan menyerahkan afidavit tersebut kepada Responden dan pihak Responden hendaklah



memasukkan affidavit jawapan sebagai maklumbalas kepada affidavit aduan ini pada tarikh yang ditetapkan oleh FAM.

- e. Jika Responden gagal memasukkan affidavit jawapan pada tarikh yang ditetapkan, maka Jawatankuasa Status FAM hendaklah memutuskan aduan berdasarkan affidavit yang dikemukakan oleh Pengadu mengikut Peraturan dan keputusan akan dimaklumkan kepada Pengadu dan Responden secara bertulis. Responden tidak boleh membuat sebarang rayuan di atas keputusan ini.
 - f. Jika Responden memasukkan affidavit jawapan mengikut Artikel 25, Perenggan 1(d), maka pihak sekretariat hendaklah merujuk kepada Pengerusi untuk menetapkan tarikh, masa dan tempat mesyuarat Jawatankuasa Status FAM.
 - g. Sekiranya Pengadu perlu menjawab affidavit jawapan yang dimasukkan oleh Responden mengikut Artikel 25, Perenggan 1(f), maka pihak Pengadu hendaklah memasukkan affidavit balasan kepada affidavit jawapan pada tarikh yang ditetapkan oleh FAM.
2. Tatacara mesyuarat bagi membincangkan dan menyelesaikan perselisihan di antara pihak Pengadu dan Responden adalah seperti berikut:
- a. Pihak Pengadu dan Responden atau Wakil hendaklah dijemput hadir ke mesyuarat Jawatankuasa. Pengadu dan Responden hanya dibenarkan masuk ke bilik mesyuarat apabila diminta berbuat demikian oleh Pengerusi.
 - b. Pihak Sekretariat hendaklah memastikan affidavit aduan oleh Pengadu dan affidavit jawapan oleh Responden (atau affidavit balasan oleh Pengadu) diterima oleh setiap ahli Jawatankuasa sebelum masa mesyuarat.
 - c. Sebelum memulakan mesyuarat, Pengerusi hendaklah memberikan masa mencukupi kepada ahli Jawatankuasa untuk meneliti kesemua affidavit Pengadu dan Responden serta ringkasan kes yang disediakan oleh pihak Sekretariat.
 - d. Setelah Pengerusi berpuas hati bahawa semua ahli Jawatankuasa telah meneliti semua fakta dalam affidavit aduan dan affidavit jawapan yang dikemukakan, maka Pengerusi jika perlu, boleh menjemput Pengadu, Responden atau Wakil untuk memberikan bukti-bukti baharu secara bertulis sahaja. Pengadu atau Responden tidak boleh meminda affidavit



- masing-masing yang telah dikemukakan terdahulu. Pengerusi boleh mengarahkan Pengadu dan Responden untuk meninggalkan bilik mesyuarat.
- e. Mesyuarat dimulakan dengan melihat affidavit aduan oleh Pengadu, affidavit jawapan oleh Responden, ringkasan kes disediakan oleh sekretariat serta boleh merujuk Peraturan Status dan Perpindahan Pemain FAM dan '*FIFA Regulations on the Status and Transfer of Players*' sebagai panduan.
 - f. Pada bila-bila masa ketika mesyuarat membincangkan kes ini, Pengadu atau Responden jika perlu, boleh dipanggil masuk ke bilik mesyuarat, bagi memberikan keterangan lanjut untuk menjelaskan kekaburan affidavit yang dikemukakan oleh Pengadu atau Responden.
 - g. Setelah semua ahli Jawatankuasa berpuas hati bahawa tiada apa-apa lagi yang perlu diperjelaskan, maka Jawatankuasa hendaklah membuat keputusan mengenai kes perselisihan ini mengikut peruntukan di dalam Peraturan iaitu:
 - i. Memutuskan pihak yang bersalah samada Pengadu atau Responden;
 - ii. Menjatuhkan hukuman mengikut peruntukan di dalam Peraturan;
 - iii. Membuat keputusan lanjut berkenaan dengan status dan perpindahan Pemain yang tidak diliputi dengan khusus di dalam Peraturan ini berpandukan Peraturan-Peraturan FAM dan FIFA.
 - h. Pengerusi boleh memanggil Pengadu, Responden atau Wakil ke bilik mesyuarat untuk mendengar keputusan Jawatankuasa yang akan disampaikan oleh Pengerusi. Ketika ini, Pengadu atau Responden tidak dibenarkan membuat apa-apa rayuan ke atas keputusan tersebut. Rayuan hendaklah dibuat secara rasmi ke Jawatankuasa Rayuan, FAM.
3. Keputusan Jawatankuasa akan berkuatkuasa dengan serta merta kecuali dipinda oleh Jawatankuasa Rayuan FAM yang mana keputusannya adalah mengikat semua pihak kecuali diputuskan berlainan oleh Tribunal Timbang Tara mengikut Akta Timbang Tara yang sedang berkuatkuasa.
 4. Sebarang rayuan mengenai keputusan Jawatankuasa boleh dirayu ke Jawatankuasa Rayuan, FAM kecuali keputusan-keputusan berikut yang telah ditetapkan oleh Jawatankuasa, iaitu:



- a. amaran atau amaran keras;
 - b. keputusan berasaskan Artikel 25, Perenggan 1 (c), (e) dan (g);
 - c. Semua kesalahan yang dikenakan hukuman denda minimum oleh Jawatankuasa.
5. Tatacara Rayuan ke Jawatankuasa Rayuan, FAM atau apa-apa Artikel berkaitan dengan rayuan hendaklah mengikut Kod Tatatertib, FAM.
 6. Pasukan, Jurulatih, Pemain, Perantara atau Wakil tidak boleh sama sekali memfailkan apa-apa prosiding berkaitan dengan Peraturan ini dalam mana-mana Mahkamah. Setiap Pasukan, Pegawai, Pemain, Perantara atau Wakil hendaklah mematuhi peruntukan-peruntukan yang terkandung di dalam Peraturan ini dan Peraturan FAM.
 7. Semua Artikel-Artikel di luar jangka atau Artikel-Artikel yang tidak terkandung dalam Peraturan ini dan termasuklah tafsiran, ia hendaklah diputuskan oleh Jawatankuasa dan dalam hal-hal tertentu Jawatankuasa boleh merujuk dan menggunakan Peraturan AFC atau FIFA untuk memutuskan Artikel-Artikel luar jangka tersebut atau Artikel-Artikel yang tidak diliputi oleh Peraturan ini yang mana keputusannya adalah muktamad.

**BAHAGIAN IX : PERUNTUKAN AKHIR****ARTIKEL 26: PERALIHAN KUATKUASA PERATURAN**

1. Mana-mana kes yang telah dibawa ke FAM sebelum Peraturan ini mula berkuatkuasa hendaklah ditaksirkan mengikut Peraturan sebelumnya.
2. Sebagai Peraturan Am, semua kes-kes lain hendaklah dinilai mengikut peraturan ini dengan pengecualian seperti berikut:
 - a. pertikaian mengenai pampasan latihan;
 - b. pertikaian mengenai mekanisme perpaduan;
 - c. pertikaian berkaitan dengan kestabilan kontrak antara Pemain dan Pasukan.

Mana-mana kes-kes yang tidak tertakluk kepada Peruntukan Am ini hendaklah ditaksirkan mengikut peraturan-peraturan yang telah berkuatkuasa apabila Kontrak itu ditandatangani atau apabila fakta yang dipertikaikan timbul.

ARTIKEL 27: KAEDAH LUAR JANGKA

1. Perkara-perkara yang tidak terkandung di dalam Peraturan ini atau kes-kes di luar jangka, termasuklah definisi atau pentafsiran Artikel-Artikel di dalam Peraturan ini, hendaklah diputuskan oleh Jawatankuasa yang mana keputusan adalah muktamad.

ARTIKEL 28: BAHASA RASMI

1. Sekiranya terdapat sebarang percanggahan dalam tafsiran antara teks Bahasa Inggeris dan Bahasa Malaysia di dalam Peraturan ini, Bahasa Malaysia harus digunakan.

ARTIKEL 29 : PEMAKAIAN DAN PENGUATKUASAAN

1. Peraturan Status dan Perpindahan Pemain, Persatuan Bolasepak Malaysia edisi 2019 telah diluluskan oleh Mesyuarat Jawatankuasa Eksekutif, FAM yang bersidang pada 23 November 2019 dan Peraturan ini berkuatkuasa serta merta.

Petaling Jaya, 23 November 2019
Untuk Jawatankuasa Eksekutif FAM

STUART MICHAEL RAMALINGAM
Setiausaha Agung

DATUK HAMIDIN BIN HAJI MOHD AMIN
Presiden

**LAMPIRAN 1****PELEPASAN PEMAIN UNTUK MEWAKILI NEGARA****ARTIKEL 1: PRINSIP**

1. Setiap Pasukan diwajibkan untuk melepaskan Pemain yang berdaftar dengan Pasukan untuk mewakili pasukan negara yang mana pemain layak untuk bermain berdasarkan kewarganegaraan jika Pemain dipanggil oleh persatuan berkenaan. Mana-mana perjanjian antara pemain dan pasukan yang bertentangan adalah dilarang.
2. Pelepasan Pemain di bawah syarat-syarat perenggan 1 Lampiran ini adalah wajib bagi semua jendela antarabangsa yang disenaraikan dalam kalendar perlawanan antarabangsa (rujuk perenggan 3 dan 4 di bawah) dan juga untuk pertandingan akhir Piala Dunia FIFA, Piala Konfederasi dan kejohanan bertaraf "A" bagi konfederasi, tertakluk kepada persatuan berkenaan yang menjadi ahli kepada konfederasi yang menganjur.
3. Selepas berunding dengan pihak berkepentingan yang berkaitan, FIFA menerbitkan kalendar perlawanan antarabangsa bagi tempoh empat atau lapan tahun. Ia termasuk semua jendela antarabangsa bagi tempoh yang berkaitan (rujuk perenggan 4 di bawah). Berikutan penerbitan kalendar perlawanan antarabangsa hanya pertandingan akhir Piala Dunia FIFA, Piala Konfederasi FIFA dan kejohanan bertaraf "A" bagi Konfederasi yang akan ditambah.
4. Terdapat dua jenis jendela antarabangsa:
 - a. Jenis A ditetapkan sebagai tempoh sepuluh hari bermula pada hari Isnin pagi dan berakhir pada malam Rabu minggu berikutnya, yang dikhaskan untuk aktiviti Pasukan. Semasa jendela antarabangsa Jenis A, maksimum empat perlawanan boleh dimainkan oleh setiap Pasukan, tanpa mengira sama ada perlawanan kelayakan untuk kejohanan antarabangsa atau perlawanan persahabatan. Pasukan boleh bermain maksimum empat perlawanan dalam jendela antarabangsa Jenis A tidak lebih daripada dua konfederasi.
 - b. Jenis B ditakrifkan sebagai tempoh empat hari bermula pada hari Ahad dan berakhir pada malam Rabu minggu berikutnya, yang dikhaskan untuk aktiviti Pasukan. Semasa jendela antarabangsa Jenis B, maksimum dua perlawanan boleh dimainkan oleh setiap Pasukan tanpa mengira sama ada perlawanan ini perlawanan kelayakan ke kejohanan



antarabangsa atau persahabatan. Pasukan hendaklah memainkan maksimum dua perlawanan dalam jendela antarabangsa Jenis B pada wilayah Konfederasi yang sama.

5. Pelepasan Pemain adalah tidak wajib di luar jendela antarabangsa atau di luar pertandingan akhir (seperti di perenggan 2 di atas) termasuk dalam kalendar perlawanan antarabangsa. Tidak wajib untuk melepaskan pemain yang sama untuk lebih daripada satu "A" Pertandingan akhir pasukan yang mewakili setiap tahun. Pengecualian kepada peraturan ini boleh ditubuhkan oleh Jawatankuasa Eksekutif FIFA untuk Piala Konfederasi FIFA sahaja.
6. Untuk jendela antarabangsa, Pemain mesti dilepaskan dan memulakan perjalanan untuk menyertai Pasukan yang mereka wakili tidak lewat daripada pagi Isnin dan mesti pulang ke Pasukan mereka bermula tidak lewat daripada pagi Khamis berikutan dengan akhir jendela antarabangsa. Untuk Pertandingan Akhir dalam erti perenggan 2, 3 dan 4 di atas, Pemain mesti dilepaskan pada waktu pagi dua belas (12) hari sebelum Pertandingan Akhir dan memulakan perjalanan untuk Pasukan yang diwakili oleh Pemain berkenaan bermula dan akan dilepaskan oleh Persatuan tersebut pada pagi sehari selepas perlawanan terakhir pasukan mereka dalam kejohanan tersebut.
7. Pasukan dan persatuan berkenaan hendaklah bersetuju untuk tempoh yang lebih lama bagi pelepasan atau susunan yang berbeza dengan mengambil kira perenggan 6 di atas.
8. Pemain yang mematuhi panggilan dari persatuannya dalam Artikel ini hendaklah menyambung semula tugas dengan Pasukan mereka tidak lewat daripada 24 jam selepas tamat tempoh yang mana Pemain perlu diperlukan. Tempoh ini akan dilanjutkan sehingga empat puluh lapan (48) jam jika aktiviti pasukan yang diwakili Pemain berkenaan mengambil tempat di dalam konfederasi berbeza dengan Pasukan yang Pemain didaftarkan. Pasukan hendaklah diberitahu secara bertulis daripada jadual keluar dan kembali Pemain sepuluh hari sebelum permulaan tempoh pelepasan tersebut. Persatuan hendaklah memastikan bahawa Pemain dapat kembali ke Pasukan mereka tepat pada masa selepas perlawanan.
9. Jika Pemain tidak meneruskan tugas dengan Pasukannya mengikut tarikh akhir yang ditetapkan dalam Artikel ini, atas permintaan yang jelas, Jawatankuasa Status Pemain FIFA, hendaklah memutuskan bahawa pada masa hadapan Pemain itu dipanggil oleh persatuannya tempoh pelepasan hendaklah dipendekkan seperti berikut:



- a. Jendela antarabangsa: dipendekkan dua hari
 - b. Pertandingan akhir kejohanan antarabangsa: dipendekkan ke lima
10. Sekiranya persatuan berulang kali melanggar peruntukan-peruntukan ini, Jawatankuasa Status Pemain FIFA boleh mengenakan sekatan yang sesuai, termasuk tetapi tidak terhad kepada:
- a. denda;
 - b. pengurangan tempoh pelepasan;
 - c. larangan memanggil pemain (s) untuk pasukan wakil berikutnya aktiviti.

ARTIKEL 1A: KETIDAKPATUHAN

1. Sekiranya mana-mana Pasukan, Pegawai atau Pemain melanggar peruntukan ini, Jawatankuasa boleh mengenakan tindakan-tindakan yang bersesuaian seperti berikut:
 - a. Pasukan
 - i. denda tidak melebihi RM 100,000.00;
 - ii. memotong maksimum 3 mata dalam Liga-M;
 - iii. digantung automatik dalam semua Aktiviti Bolasepak peringkat Kelab, Daerah, PBN, Kebangsaan dan Antarabangsa dari tarikh melapor diri hingga tamat Pertandingan yang sepatutnya diwakili, dan FAM boleh melanjutkan tempoh penggantungan tersebut jika perlu;
 - iv. lain-lain tindakan yang difikirkan sesuai oleh Jawatankuasa untuk tujuan tersebut.
 - b. Pegawai
 - i. denda tidak melebihi RM 50,000.00;
 - ii. digantung automatik dalam semua Aktiviti bolasepak peringkat Kelab, Daerah, PBN, Kebangsaan dan Antarabangsa dari tarikh melapor diri hingga tamat Pertandingan yang sepatutnya diwakili, dan FAM boleh melanjutkan tempoh penggantungan tersebut jika perlu;



- iii. lain-lain tindakan yang difikirkan sesuai oleh Jawatankuasa untuk tujuan tersebut.
- c. Pemain
- i. denda tidak melebihi RM 25,000.00;
 - ii. digantung automatik dalam semua Aktiviti bolasepak peringkat Kelab, Daerah, PBN, Kebangsaan dan Antarabangsa dari tarikh melapor diri hingga tamat Pertandingan yang sepatutnya diwakili, dan FAM boleh melanjutkan tempoh penggantungan tersebut jika perlu;
 - iii. lain-lain tindakan yang difikirkan sesuai oleh Jawatankuasa untuk tujuan tersebut.

Tindakan-tindakan tatatertib di Artikel ini boleh dikenakan secara berasingan atau digabungkan.

ARTIKEL 2: PERUNTUKAN KEWANGAN DAN INSURANS

1. Pasukan yang melepaskan Pemain mengikut peruntukan lampiran ini tidak boleh menuntut apa-apa pampasan kewangan.
2. Bagi setiap pelepasan Pemain ke persatuannya, persatuan tersebut adalah bertanggungjawab untuk menanggung kos perjalanan Pemain.
3. Bagi setiap pelepasan Pemain ke persatuannya, pasukan di mana Pemain didaftarkan adalah bertanggungjawab untuk:
 - a. perlindungan insurans terhadap sebarang penyakit dan kemalangan semasa tempoh keseluruhan pelepasannya.
 - b. perlindungan insurans terhadap sebarang kecederaan yang dialami oleh Pemain ketika perlawanan semasa mewakili Negara.
4. Jika semasa tempoh pelepasan untuk perlawanan antarabangsa "A", Pemain mengalami kecederaan dan akibat daripada kecederaan tersebut, hilang keupayaan sementara, Pasukan tersebut akan dibayar ganti rugi oleh FIFA. Terma dan syarat pemberian ganti rugi, termasuk pengendalian kerugian, ditetapkan di dalam '*FIFA Technical Bulletin*' di bawah '*Club Protection Programme*'.

**ARTIKEL 3: PANGGILAN PEMAIN KE SKUAD KEBANGSAAN**

1. Sebagai peraturan am, setiap Pemain yang berdaftar dengan Pasukan diwajibkan untuk memberi persetujuan apabila dipanggil oleh persatuannya.
2. Persatuan yang ingin memanggil Pemain mesti memberitahu Pemain secara bertulis sekurang-kurangnya 15 hari sebelum hari pertama jendela antarabangsa (rujuk Lampiran 1, Perkara 1 perenggan 4) di mana aktiviti pasukan yang diwakilinya akan berlangsung. Persatuan yang ingin memanggil Pemain untuk pertandingan akhir kejohanan antarabangsa mesti memberitahu Pemain dalam bertulis sekurang-kurangnya lima belas (15) hari sebelum permulaan tempoh pelepasan yang berkaitan. Pasukan Pemain juga akan dimaklumkan secara bertulis pada masa yang sama. Persatuan Pemain tersebut adalah dinasihatkan untuk memaklumkan FAM bagi pasukan tersebut berkenaan dengan perkara ini. Pasukan mestilah memaklumkan pelepasan Pemain dalam perkara berikut dalam masa enam (6) hari.
3. Persatuan yang meminta bantuan FIFA untuk mendapatkan pelepasan Pemain yang bermain di luar negara hanya boleh berbuat demikian tertakluk kepada dua (2) syarat seperti berikut:
 - a. Persatuan di mana Pemain didaftarkan telah diminta campur tangan dan tidak berjaya.
 - b. Kes itu dikemukakan kepada FIFA sekurang-kurangnya lima (5) hari sebelum hari perlawanan yang mana Pemain diperlukan.

ARTIKEL 4: PEMAIN TERCEDERA

1. Pemain yang tidak dapat menyahut panggilan daripada persatuannya akibat kecederaan atau penyakit, hendaklah, jika diarahkan sedemikian oleh persatuan tersebut, bersetuju untuk menjalani pemeriksaan perubatan oleh doktor yang ditentukan oleh persatuannya. Pemain boleh menjalani pemeriksaan perubatan di persatuannya jika berhasrat sedemikian, tertakluk kepada persetujuan dari Pasukan.

ARTIKEL 5: SEKATAN UNTUK BERMAIN

1. Pemain yang telah dipanggil oleh persatuannya untuk mewakili persatuan tersebut, melainkan jika dipersetujui oleh persatuan yang berkaitan, tidak boleh bermain untuk Pasukan yang Pemain didaftarkan pada tempoh yang telah dilepaskan atau sepatutnya dilepaskan menurut peruntukan lampiran in, ditambah dengan tempoh tambahan selama lima hari.

ARTIKEL 6: TINDAKAN TATATERTIB

1. Sebarang ketidakpatuhan terhadap peruntukan-peruntukan yang ditetapkan di lampiran ini akan dikenakan tindakan disiplin oleh Jawatankuasa Tatatertib FIFA berdasarkan Kod Tatatertib FIFA.

**LAMPIRAN 2****TATACARA PERMOHONAN PENDAFTARAN PERTAMA DAN PERPINDAHAN PEMAIN BAWAH UMUR****ARTIKEL 1: PRINSIP**

1. Tatacara untuk memohon pendaftaran kali pertama bagi pemain bawah umur mengikut Artikel 19A, Perenggan 3, atau perpindahan pemain tempatan melibatkan pemain bawah umur mengikut Artikel 19, Perenggan 2, mestilah dikelolakan dan diuruskan oleh TMS.
2. Peraturan ini hendaklah digunakan dalam tatacara permohonan, pendaftaran dan perpindahan pemain bawah umur. Jawatankuasa atau NDRC adalah bertanggungjawab untuk memastikan bahawa peruntukan-peruntukan di lampiran ini dapat dipatuhi. Sebarang ketidakpatuhan atau apa-apa pelanggaran peruntukan, seperti dokumen yang dipalsukan sebagai contoh, akan dikenakan tindakan tatatertib oleh Jawatankuasa atau Jawatankuasa Tatatertib, FAM selaras dengan Kod Tatatertib FAM.

ARTIKEL 2: MEMULAKAN PERMOHONAN DAN PENYERAHAN DOKUMEN

1. Permohonan untuk kelulusan pendaftaran pertama (Artikel 19A) atau perpindahan pemain bawah umur (Artikel 19) hendaklah dilakukan dengan mengemukakan borang-borang khas yang disediakan oleh FAM, dokumen-dokumen berkaitan bersama dengan surat permohonan kepada FAM. Sebarang permohonan melalui kaedah yang lain tidak akan diambil kira. Permohonan hendaklah mengandungi maklumat atau dokumen-dokumen berikut:
 - a. Kad Pengenalan dan salinan pendua Kad Pengenalan Pemain
 - b. Bukti tarikh lahir (sijil kelahiran) Pemain
 - c. Kontrak pekerjaan Pemain
 - d. Dokumen pendidikan akademik Pemain
 - e. Dokumen pendidikan bolasepak Pemain
 - f. Kebenaran Ibu bapa atau Penjaga Pemain
 - g. Bukti persetujuan Pasukan yang berkenaan



- h. Lain-lain dokumen yang berkaitan dengan Pemain, jika perlu.
2. Pihak Sekretariat FAM akan menyemak permohonan dan akan membuat ringkasan permohonan serta dirujuk kepada Jawatankuasa untuk mendapat keputusan. Jawatankuasa berhak memohon maklumat lanjut daripada Pasukan berkaitan dengan permohonan ini.
3. Permohonan hanya akan diproses jika semua dokumen wajib telah diserahkan dengan lengkap.
4. Pasukan juga boleh mengemukakan apa-apa dokumen lain yang difikirkan perlu bersama-sama dengan permohonan ini.

**LAMPIRAN 3****TRANSFER MATCHING SYSTEM (TMS)****ARTIKEL 1: SKOP**

1. Sistem menguruskan perpindahan Antarabangsa Pemain dikenali sebagai TMS, seperti yang dinyatakan dengan jelas adalah mengikut Lampiran 3, '*FIFA Regulations on the Status and Transfer of Players*' dan hendaklah dipatuhi oleh semua Pasukan yang ingin mendapatkan perkhidmatan Pemain yang berpindah di antara dua Persatuan Bolasepak Negara yang menjadi ahli FIFA.

LAMPIRAN 3A**TATACARA PENTADBIRAN MENGURUS PERPINDAHAN PEMAIN ANTARA PASUKAN DI LUAR TMS****ARTIKEL 1: SKOP**

1. Lampiran ini menerangkan dengan jelas tatacara mentadbir urus perpindahan bagi semua Pemain, selain daripada yang dinyatakan di Lampiran 3 Peraturan ini. Secara khususnya, ia melibatkan perpindahan Tempatan bagi Pemain-pemain Profesional atau Amatur yang menyertai Pertandingan atau Liga-M.

ARTIKEL 2: PRINSIP

1. Segala permohonan untuk mendaftarkan Pemain Profesional mesti diserahkan oleh Pasukan Baharu kepada FAM dalam satu daripada dua Tempoh Pendaftaran yang ditetapkan oleh FAM. Pemain Profesional hanya bebas untuk memasuki Kontrak dengan Pasukan Baharu jika Kontrak dengan Pasukan Asal telah tamat atau akan tamat dalam tempoh enam bulan mengikut Artikel 18, Perenggan 3, Peraturan ini. Kontrak baharu hendaklah dikeluarkan oleh setiap Pasukan untuk menawarkan Pemain menandatangani perjanjian baharu dengan pembaharuan Kontrak atau Kontrak lanjutan dengan terma dan syarat seperti ditetapkan di Artikel 3.2 di lampiran ini, iaitu 6 bulan sebelum Kontrak akan tamat mengikut Artikel 13A, Perenggan 3, Peraturan ini.
2. Pemain-pemain yang berdaftar dengan Pasukan tidak layak bermain untuk Pasukan lain kecuali SPP telah dikeluarkan oleh Pasukan Asal dan diterima oleh Pasukan Baharu selaras dengan peruntukan di lampiran ini. Sijil perpindahan yang dikeluarkan oleh FAM sahaja untuk tujuan ini boleh digunakan.
3. Pemain boleh menandatangani Kontrak dengan hanya satu Pasukan pada satu-satu masa. Pasukan dan Pemain perlu mengemukakan satu salinan Kontrak yang lengkap kepada FAM apabila mendaftar dengan Pasukan Baharu.
4. Tindakan disiplin dan sekatan kesukanan boleh dikenakan ke atas Pasukan, Pegawai Pasukan atau Pemain atas kegagalan untuk mematuhi lampiran ini seperti yang berikut:
 - a. Pasukan
 - i. denda tidak melebihi RM 100,000.00;



- ii. memotong minimum tiga mata pada permulaan musim jika kesalahan dilakukan sebelum perlawanan pertama dalam Liga-M dan/ atau memotong minimum empat mata jika kesalahan dilakukan selepas perlawanan pertama dalam Liga-M;
 - iii. lain-lain tindakan yang difikirkan sesuai oleh Jawatankuasa untuk tujuan tersebut.
- b. Pegawai
 - i. denda tidak melebihi RM 50,000.00;
 - ii. digantung minimum tiga bulan daripada semua Aktiviti bolasepak;
 - iii. lain-lain tindakan yang difikirkan sesuai oleh Jawatankuasa untuk tujuan tersebut.
- c. Pemain
 - i. denda tidak melebihi RM 25,000.00;
 - ii. lain-lain tindakan yang difikirkan sesuai oleh Jawatankuasa untuk tujuan tersebut.

ARTIKEL 3: PENGELUARAN SPP UNTUK PEMAIN PROFESIONAL

1. Permohonan SPP hendaklah dibuat melalui Pasukan baharu. Pasukan Asal hendaklah, apabila menerima sesuatu permohonan, mengeluarkan SPP dalam masa tujuh hari. Pasukan yang mengeluarkan sijil ini hendaklah menghantar satu salinan kepada FAM.
2. Pasukan Asal tidak boleh mengeluarkan SPP di mana pertikaian Kontrak wujud di antara Pasukan Asal dan Pemain Profesional. Dalam kes sebegini, Pemain Profesional, Pasukan Asal dan/ atau Pasukan Baharu berhak untuk membuat tuntutan melalui Jawatankuasa atau NDRC mengikut Lampiran 3A, Artikel 2, Perenggan 4 mengikut Peraturan ini atau NDRC akan memutuskan mengenai isu SPP ini dan mempertimbangkan tindakan yang sewajarnya dalam tempoh 30 hari. Di dalam mana-mana kes, keputusan mengenai sekatan kesukanan hendaklah diputuskan sebelum SPP dikeluarkan. Pengeluaran SPP hendaklah tidak menjejaskan pampasan bagi pelanggaran Kontrak. FAM boleh mengambil tindakan-tindakan yang perlu dalam kes-kes yang tertentu.

3.1 ENAM BULAN SEBELUM TAMAT KONTRAK: TANGGUNGJAWAB PASUKAN BARU

1. Dalam masa dua belas hingga enam bulan sebelum Kontrak berakhir, Pasukan Baharu boleh memaklumkan kepada Pasukan Asal secara bertulis untuk berunding dengan Pemain mengenai tawaran Kontrak (rujuk Artikel 18, Perenggan 3).
2. Jika Pasukan Asal menolak permohonan dengan sebab yang sah, Pasukan Baharu tidak boleh menghubungi atau berunding dengan Pemain mengenai perpindahan dari tarikh ia dikeluarkan, iaitu dalam tempoh 14 hari dari tarikh permohonan itu dibuat. Kegagalan berbuat demikian, tertakluk kepada Artikel 13A, menyebabkan perkara-perkara yang berikut:
 - a. Pegawai dari Pasukan Baharu yang meneruskan rundingan digantung selama sekurang-kurangnya satu tahun daripada mengambil bahagian dalam sebarang Aktiviti bolasepak di peringkat kebangsaan, negeri dan daerah, atau mana-mana aktiviti lain yang akan ditetapkan semasa prosiding oleh Jawatankuasa, jika disabitkan;
 - b. Pasukan Baharu didenda maksimum RM 100,000.00;
 - c. Pegawai didenda maksimum RM50,000.00;
 - d. Pemain didenda maksimum RM 25,000.00, dengan amaran.
3. Jika didapati tiada sebab-sebab yang munasabah permohonan rundingan ditolak, kes boleh dirujuk ke NDRC untuk tindakan selanjutnya. Pasukan Baharu juga boleh menandatangani kontrak dengan Pemain enam bulan sebelum kontrak Pemain tamat dengan Pasukan Asal.
4. Jika kedua-dua Pasukan bersetuju dengan terma dan syarat yang ditawarkan, satu Kontrak hendaklah ditandatangani oleh Pasukan Baharu dan Pemain.
5. Jika rundingan gagal di antara Pasukan Baharu dan Pemain, Pasukan Baharu hendaklah memaklumkan kepada Pasukan Asal bahawa rundingan telah tamat.
6. Dalam kes Lampiran 3A, Artikel 3.1, Perenggan 1 di atas, Pemain boleh menandatangani Kontrak dengan Pasukan Baharu dan Pasukan Asal tidak boleh menuntut ganti rugi dan sekiranya Kontrak telah pun tamat, tiada Yuran Perpindahan akan dikenakan.



7. Tertakluk kepada Lampiran 3A, Artikel 3.1, Pasukan Baharu masih perlu memohon SPP dari Pasukan Asal Pemain. SPP tersebut hendaklah dikeluarkan tanpa syarat dalam tempoh tujuh hari dari tarikh ia dipohon. Keengganan untuk melepaskan SPP Pemain akan dikenakan tindakan tegas oleh FAM.
8. Sekiranya SPP masih belum dikeluarkan selepas tujuh hari permohonan dibuat, perpindahan Pemain menjadi rasmi dan berkuatkuasa. Walaubagaimanapun, kelulusan dari Jawatankuasa atau Pengerusi Jawatankuasa mesti diperolehi terlebih dahulu.
9. Pemain Profesional tidak boleh bermain dalam mana-mana Perlawanan Rasmi sehingga SPP dikeluarkan oleh Pasukan Asal dan diterima oleh Pasukan Baharu kecuali bagi kes mengikut Artikel 3.1(8), Lampiran 3.A
10. Permohonan SPP mesti diserahkan kepada Pasukan Asal selewat lewatnya sebelum tempoh akhir pendaftaran. Semua permohonan hendaklah disertakan dengan salinan Kontrak antara Pasukan Baharu dan Pemain Profesional.
11. Sekiranya Pasukan Baharu tidak menerima sebarang maklum balas kepada permohonan SPP dalam tempoh 14 hari, Pasukan Baharu boleh serta-merta mendaftarkan Pemain Profesional dengan Pasukan Baharu. NDRC akan menggunakan pertimbangan yang sewajarnya ke atas status pendaftaran Pemain, jika, semasa tempoh 90 hari, Pasukan Asal mengemukakan alasan kukuh yang menjelaskan mengapa permohonan SPP itu tidak dibalas.
12. FAM boleh memberikan kebenaran kepada Pemain untuk beraksi sehingga akhir Musim yang sedang berlangsung berdasarkan kepada SPP yang dihantar. Jika SPP asal tidak diterima pada masa yang ditetapkan, kebenaran yang diberikan kepada Pemain untuk beraksi akan dikira sebagai kebenaran tetap.
13. Kaedah-kaedah dan tatacara di atas juga berkuatkuasa kepada Pemain Profesional yang bertukar status kepada Amatur apabila berpindah ke Pasukan Baru.

3.2 ENAM BULAN SEBELUM TAMAT KONTRAK: TANGGUNGJAWAB PASUKAN ASAL

1. Pemain Profesional hanya bebas untuk memasuki Kontrak dengan Pasukan Baharu jika Kontrak dengan Pasukan Asal telah tamat atau akan tamat dalam tempoh enam bulan (rujuk Artikel 18, Perenggan 3).



2. Apabila menerima permohonan dari Pasukan Baharu untuk berunding mengenai tawaran Kontrak kepada Pemain, Pasukan Asal mesti memberi maklum balas dalam tempoh 14 hari sama ada bersetuju atau tidak bersetuju untuk membenarkan Pemainnya berunding dengan Pasukan Baharu (rujuk Artikel 13A, Perenggan 5).
3. Pasukan Asal hendaklah, dalam tempoh melebihi enam bulan sebelum tamat tempoh Kontrak, melanjutkan Kontrak dengan Pemain sekiranya berhasrat dan dengan persetujuan bersama Pemain. Kontrak tersebut hendaklah menyatakan terma dan syarat seperti berikut:
 - a. tempoh Kontrak yang baru iaitu minimum satu tahun dan maksimum lima tahun kecuali bagi Pemain di bawah umur 18 tahun hendaklah mematuhi peruntukan di Artikel 18, Perenggan 2;
 - i. jika Kontrak tamat pada pertengahan musim, tempoh minimum Kontrak hendaklah sehingga akhir musim atau enam bulan.
 - b. gaji bulanan dalam Ringgit Malaysia;
 - c. kemudahan-kemudahan seperti rumah, kenderaan, perubatan dan lain-lain yang difikirkan perlu oleh Pasukan semasa;
 - d. tarikh rundingan Kontrak iaitu dalam tempoh 30 hari dari tarikh notis dikeluarkan.
4. Jika, enam bulan sebelum Kontrak tamat Pasukan Asal gagal untuk melanjutkan Kontrak Pemain, atau jika Kontrak tersebut didapati tidak sah iaitu apabila gagal mematuhi Artikel 3.2, Perenggan 3 lampiran ini, maka Pemain mempunyai hak untuk menandatangani Kontrak dengan mana-mana Pasukan. Jika Kontrak Pemain Profesional telah berakhir, Pemain akan dibebaskan dengan perpindahan percuma (rujuk Lampiran 4) dan apa-apa tuntutan ganti rugi, tidak termasuk Pampasan Latihan, tidak akan dibayar kepada Pasukan Asal.

3.3 PENERIMAAN NOTIS: TANGGUNGJAWAB PEMAIN

1. Setelah menerima notis untuk melanjutkan Kontrak, Pemain perlu memberi jawapan tidak lebih daripada 30 hari.
2. Pemain hendaklah mengesahkan tarikh rundingan seperti yang dicadangkan oleh Pasukan beliau sekiranya bersetuju, atau memberikan tarikh alternatif jika tidak bersetuju.



3. Jika Pemain berpuas hati mengenai terma dan syarat Kontrak baru, Pemain hendaklah memaklumkan Pasukan secara bertulis, dan Kontrak itu mesti ditandatangani di antara Pemain dan Pasukan tidak lewat daripada 30 hari selepas notis melanjutkan Kontrak tersebut.
4. Pemain yang tidak bersetuju dengan terma dan syarat Kontrak baru atau sekiranya tiada persetujuan dicapai di antara Pemain dan Pasukan atau Pemain telah memaklumkan kepada Pasukan Asal secara rasmi sebelum notis tamat bahawa Pemain tidak bersetuju dengan tawaran Kontrak, maka Pemain adalah bebas dari sebarang kewajipan terhadap Kontrak baharu atau terlepas daripada tanggungjawab mematuhi notis tersebut. Pemain bagaimanapun, tetap bertanggungjawab untuk memenuhi Kontrak yang sedia ada sehingga Kontrak berakhir melainkan jika terdapat persetujuan bersama antara Pemain dan Pasukan untuk menamatkan Kontrak lebih awal. Selepas Kontrak tersebut tamat, Pasukan hendaklah melepaskan Pemain tanpa apa-apa syarat dan Pemain adalah bebas untuk memulakan rundingan baru dengan mana-mana Pasukan tertakluk kepada Artikel 20 dan Lampiran 4 Peraturan ini.

ARTIKEL 4: TATACARA PENGELUARAN SPP DARIPADA SENARAI PERPINDAHAN PEMAIN DAN PEMAIN TAMAT KONTRAK

1. Pemain boleh terus berunding dan menandatangani Kontrak dengan mana-mana Pasukan tanpa perlu mendapat kebenaran terlebih dahulu dari Pasukan Asal.
Pemain boleh terus berunding dan menandatangani Kontrak dengan mana-mana Pasukan tanpa perlu mendapat kebenaran terlebih dahulu dari Pasukan Asal sekiranya Kontrak Pemain telah tamat atau akan tamat dalam tempoh enam bulan.
2. Tiada pampasan atau Yuran Perpindahan boleh diminta dari Pasukan Asal.
3. Pasukan Baru hendaklah memohon SPN daripada Pasukan Asal selaras dengan Artikel 9 dengan mengemukakan Kontrak Pemain bersama permohonan tersebut.
4. Pasukan Asal hendaklah dalam masa tujuh hari mengeluarkan SPN kepada Pasukan Baru.

ARTIKEL 5: PENGELUARAN SPP UNTUK PEMAIN AMATUR

1. Semua permohonan untuk mendaftarkan pemain amatur mesti diserahkan oleh Pasukan Baharu kepada Pasukan Asal pada dua Tempoh Pendaftaran yang

telah ditetapkan oleh FAM atau mana-mana tempoh pendaftaran lain yang dikhususkan untuk pemain-pemain Amatur sahaja.

2. Setelah menerima permohonan secara bertulis, Pasukan Asal hendaklah, dalam masa tujuh hari mengeluarkan SPP kepada Pasukan Baharu.
3. Jika Pasukan Baharu tidak menerima sebarang maklum balas kepada permohonan SPP selepas empat belas hari, Pasukan Baharu boleh sertamerta mendaftarkan Pemain Amatur ini. Pasukan Asal walaubagaimanapun, dalam masa empat belas hari dari tarikh penerimaan permohonan, boleh mengemukakan alasan kukuh kepada FAM yang menjelaskan mengapa permohonan SPP itu tidak dibalas, dan kes itu hendaklah diputuskan oleh Jawatankuasa atau Pengerusi Jawatankuasa yang mana keputusannya adalah muktamad dan digunakan. Sekiranya tiada maklum balas dari Pasukan Asal, maka Pendaftaran tersebut akan menjadi tetap selepas 90 hari permohonan SPP dibuat.

ARTIKEL 6: GAJI PEMAIN

1. Pasukan diwajibkan untuk membayar Pemain seperti yang berikut, tetapi tidak hanya terhad kepada:
 - a. gaji bulanan sekurang-kurangnya pada kadar gaji minimum yang ditetapkan oleh FAM;
 - b. caruman kepada Kumpulan Wang Simpanan Pekerja (KWSP/ EPF);
 - c. caruman kepada Pertubuhan Keselamatan Sosial Pekerja (PERKESO/ SOCSO);
 - d. cukai pendapatan secara tetap kepada Lembaga Hasil Dalam Negeri (LHDN) secara potongan cukai berjadual.

Pemain boleh mengemukakan aduan kepada FAM sekiranya Pasukan mereka gagal untuk membuat pembayaran seperti Artikel 6, Perenggan 1(a),(b),(c) dan (d) lampiran ini. Jika ternyata bahawa Pasukan telah melanggar peruntukan di Artikel ini melebihi sebulan, Pemain boleh menamatkan Kontrak secara sebelah pihak dan memaklumkan kepada FAM. Setelah itu, Pemain tersebut boleh didaftarkan dengan Pasukan lain pada bila-bila masa tanpa perlu membayar apa-apa ganti rugi (jika berkenaan) dan Yuran Perpindahan.

2. Pasukan diberi tempoh 10 hari untuk membayar semua jumlah tertunggak atau sekurang-kurangnya dua bulan gaji Pemain (pemain-pemain) yang terlibat,



yang mana lebih tinggi. Jika gagal, deposit penyertaan Pertandingan, hadiah wang tunai atau apa-apa sahaja kewangan Pasukan yang masih berbaki di FAM akan dibayar terus kepada Pemain. Jika baki kewangan di FAM tidak mencukupi untuk menampung pembayaran, Pasukan boleh dibatalkan penyertaan daripada Pertandingan dengan serta-merta.

3. Dalam keadaan di mana FAM mendapati terdapat lebih daripada 25% Pemain tidak dibayar dengan sekurang-kurangnya dua bulan gaji, tindakan-tindakan yang sama seperti di Perenggan 2, Artikel ini juga boleh dikenakan terhadap Pasukan. Tindakan ini akan terus dibawa ke musim hadapan sehinggalah pembayaran diselesaikan.
4. Jika hasil siasatan menunjukkan bahawa aduan yang dibuat oleh Pemain adalah tidak berasas, maka Pemain sendiri yang perlu membayar jumlah tertunggak atau dua bulan gaji dengan amaran keras.

ARTIKEL 7: PEMAIN PINJAMAN

1. Kaedah-kaedah yang dinyatakan di peruntukan-peruntukan di atas juga berkuatkuasa kepada pemain pinjaman profesional daripada pasukan-pasukan yang bergabung dengan FAM.
2. Terma dan syarat perjanjian pinjaman pemain hendaklah disertakan dengan permohonan SPP. Pendaftaran Pemain pinjaman hendaklah dibuat di dalam dua tempoh pendaftaran.
3. Setelah tamat tempoh pinjaman, SPP hendaklah dikembalikan, atas permintaan, kepada Pasukan yang melepaskan Pemain pinjaman tersebut.

LAMPIRAN 4

PAMPASAN LATIHAN

ARTIKEL 1: OBJEKTIF

1. Latihan dan pendidikan seorang Pemain berlangsung di antara umur 8 dan 23. Pampasan Latihan hendaklah dibayar, sebagai peraturan umum, sehingga usia 23 tahun untuk latihan yang diterima sehingga umur 21 tahun, melainkan jika terbukti bahawa Pemain telah menamatkan latihan sebelum berumur 21 tahun. Dalam kes kedua, Pampasan Latihan hendaklah dibayar sehingga akhir musim di mana Pemain mencapai umur 23 tahun, tetapi pengiraan bayaran hendaklah berdasarkan tahun di antara umur 12 dan umur apabila Pemain sebenarnya menyempurnakan latihan beliau.
2. Kewajipan untuk membayar Pampasan Latihan terletak ke atas setiap Pasukan, Daerah atau Kelab di mana Pemain dipindahkan.
3. Pampasan Latihan yang melibatkan perpindahan antarabangsa, hendaklah tertakluk kepada '*FIFA Regulations on the Status and Transfer of Players*'.

ARTIKEL 2: PEMBAYARAN PAMPASAN LATIHAN

1. Pampasan Latihan hendaklah dibayar apabila:
 - a. Pemain didaftarkan buat kali pertama sebagai Profesional; atau
 - b. Pemain Profesional dipindahkandi antara dua Pasukan (sama ada semasa atau pada akhir Kontrak beliau)sebelum berakhir musim di hari lahir ke-23 beliau.
2. Pampasan Latihan tidak dibayar jika:
 - a. Pasukan Asal menamatkan Kontrak Pemain tanpa sebab yang adil dan munasabah; atau
 - b. Pemain Profesional menukar kembali status kepada Pemain Amatur apabila berpindah ke Pasukan Baru.

**ARTIKEL 3: AKADEMI**

1. Akademi yang diuruskan oleh Pasukan ialah satu program latihan bolasepak sistematik yang menyediakan Pemain-pemain muda dengan pendidikan persekolahan dan latihan bolasepak yang mencukupi selaras dengan piawaian Malaysia. Selain daripada pendidikan bolasepak dan akademik, persiapan yang perlu seperti tempat penginapan yang selesa, kemudahan-kemudahan asas, diet pemakanan yang sihat, pengangkutan, latihan vokasional, program membina sahsiah dan jati diri, termasuk pelantikan kaunselor, hendaklah disediakan dengan secukupnya untuk memastikan Pemain dapat dijaga dengan rapi, disokong oleh pihak berkuasa tempatan dan diiktiraf serta berdaftar dengan FAM.
2. Pemain Akademi dianggap bermain secara sah apabila Pemain didaftarkan di Akademi bolasepak yang dikelolakan oleh Pasukan yang berdaftar secara sah dengan FAM selama satu tahun, atau kurang daripada satu tahun jika Pemain telah dipilih untuk menyertai Akademi di sekolah sukan awam dengan kerjasama FAM. Pasukan dan Akademi hendaklah mengikat Pemain dengan Kontrak atau apa-apa perjanjian untuk menuntut Pampasan Latihan.
3. Pemain dari Akademi tanpa didaftarkan dengan FAM seperti di Perenggan 2, Artikel ini, tidak akan diambil kira telah dibangunkan oleh Pasukan atau menjadi hak mutlak mereka, maka Pasukan tidak berhak menuntut apa-apa pampasan sekiranya Pemain bermain dengan Pasukan lain di dalam Pertandingan.
4. Semua Pemain dari Akademi yang mengambil bahagian dalam di sekolah sukan awam dengan kerjasama FAM, adalah di bawah tanggungjawab FAM sepenuhnya.
5. Sekiranya Pemain tersebut memilih untuk memasuki Kontrak dengan Pasukan Baharu atau ingin menyertai Pasukan Baharu maka Pasukan Baharu berkenaan dan Pemain hendaklah bertanggungjawab menyempurnakan perkara-perkara berikut:
 - a. Pasukan Baharu hendaklah membayar Pampasan Latihan yang akan ditetapkan oleh FAM. Pampasan Latihan hendaklah dibayar sekiranya Pemain tersebut menandatangani Kontrak Pemain Profesional dengan mana-mana Pasukan. Pampasan Latihan tersebut hendaklah dikira berpandukan lampiran ini iaitu:
 - i. Kos bayaran Pampasan Latihan termasuk pendidikan untuk satu tahun dikira mengikut kategori 4 seperti yang ditetapkan oleh FIFA. Jika Pasukan Baharu tidak bersetuju mengenai jumlah



bayaran pampasan ini, maka FAM akan menetapkan kadar tersebut yang mana ia adalah muktamad dan hendaklah dipatuhi oleh semua pihak terlibat.

- ii. Kos satu tahun ini akan didarabkan dengan jumlah tahun Pemain tersebut menyertai Akademi dan dikira sebagai Pampasan Latihan sebenar.
 - iii. Jumlah Pampasan Latihan sebenar ini akan dibahagi sama rata dengan Pasukan atau Akademi dimana Pemain ini menjalani latihan bolasepak.
 - iv. Jika Pemain ini berpindah ke Pasukan Baharu (kedua), maka Pasukan Baharu tersebut hendaklah membayar bayaran pampasan latihan bermula dari tahun ia menjalani latihan di Akademi sehinggalah kos latihan dan pendidikan Pasukan Baharu (pertama) ia berpindah dan jumlah bayaran pampasan sebenar ini hendaklah dibahagikan sama rata diantara Pasukan Asal (Pasukan Asal Pemain jika ada) dan Akademi. Kaedah ini hendaklah digunapakai sehingga perpindahan pada hari jadi ke-23 Pemain tersebut.
- b. Bayaran pampasan latihan bagi maksud perpindahan atau perpindahan-perpindahan ini hendaklah dijelaskan oleh Pasukan Baharu sebelum atau pada masa Pemain dan Pasukan Baharu menandatangani Kontrak.
6. Pampasan Latihan akan diagihkan kepada Pasukan Asal mengikut tatacara yang ditetapkan oleh FAM selaras dengan Lampiran 4 Peraturan ini.
7. Semua Pasukan perlu mendaftar pemain-pemain dan pegawai-pegawai mereka yang mengikuti mana-mana Aktiviti Bolasepak di peringkat PBN atau Daerah atau Kelab pada tahun tersebut atau Musim semasa. Setiap Pasukan hendaklah menyimpan rekod pendaftaran yang terdiri seperti berikut:
- a. Nama seperti dalam Kad Pengenalan
 - b. Nombor Kad Pengenalan
 - c. Tarikh lahir
 - d. Alamat surat-menyurat terkini Pemain dan majikan, jika berkenaan



- e. Pengesahan daripada Pegawai-pegawai yang berkenaan seperti Pengetua/ Guru Besar dan Iubapa bagi Pemain berumur 18 tahun dan ke bawah
- f. Pelepasan Jabatan/ Majikan/ Pasukan
- g. Tarikh mula menyertai PPP dan tarikh tamat, jika berkenaan
- h. Gambar terkini
- i. Salinan Kad Pengenalan

ARTIKEL 4: PEMAIN BERUMUR 18 TAHUN DAN KE BAWAH

1. Pemain-pemain yang berusia 18 tahun dan ke bawah atau yang masih bersekolah mesti mendapatkan kebenaran daripada ibubapa atau penjaga mereka serta pihak sekolah sebelum boleh didaftarkan untuk mengambil bahagian di dalam Pertandingan.
2. Jika pemain-pemain ini menyertai latihan di Akademi yang dikelolakan oleh PBN, Daerah atau Kelab, mereka hendaklah dilaporkan dan didaftarkan dengan FAM.

ARTIKEL 5 : TANGGUNGJAWAB MEMBAYAR PAMPASAN LATIHAN

1. Apabila Pemain mendaftar sebagai Pemain Profesional buat kali pertama, Pasukan di mana Pemain Akademi didaftarkan adalah bertanggungjawab untuk membayar Pampasan Latihan dalam tempoh 30 hari selepas pendaftaran untuk setiap Pasukan yang telah melatih Pemain (selaras dengan sejarah kerjaya Pemain sebagaimana yang disertakan di dalam Pasport Pemain). Jumlah yang perlu dibayar dikira secara purata mengikut tempoh latihan bolasepak dengan setiap Pasukan atau Akademi tersebut. Dalam kes perpindahan berikutnya, Pampasan Latihan hanya perlu dibayar kepada Pasukan terdahulu sahaja. Dalam kedua-dua kes, tarikh akhir bagi pembayaran Pampasan Latihan adalah 30 hari selepas pendaftaran.
2. FAM tidak akan bertanggungjawab bagi Pampasan Latihan untuk semua perpindahan pemain dari Pasukan , Daerah, atau Kelab ke Sekolah Sukan Awam untuk meneruskan PPP yang dikendalikan oleh kerajaan.

**ARTIKEL 6: KOS LATIHAN**

1. Bagi mengira pampasan yang harus dibayar untuk kos latihan dan pendidikan, FAM telah mengklasifikasikan semua Akademi ke dalam Kategori 4 mengikut syarat FIFA iaitu sebagai kos untuk pembangunan dalam masa satu tahun. Jika pembangunan melebihi satu tahun, maka kos ini hendaklah didarabkan dengan jumlah tahun yang mana Pemain tersebut menjalani latihan bolasepak di Akademi Pasukan atau sekolah sukan awam.

ARTIKEL 7: PENGIRAAN PAMPASAN LATIHAN

1. Secara khususnya, untuk Pemain yang pertama kali mendaftar sebagai Profesional, Pampasan Latihan dikira dengan mengambil kos latihan yang ditetapkan oleh dengan bilangan tahun latihan, pada asasnya dari musim hari lahir ke-8 hingga musim hari lahir ke-21 Pemain.
2. Untuk memastikan bahawa Pampasan Latihan dan pendidikan untuk Pemain yang terlalu muda tidak ditetapkan pada tahap yang tinggi dan tidak berpatutan, kos latihan bagi Pemain untuk musim antara hari lahir mereka yang ke-8 dan 12 (iaitu empat musim) hendaklah berdasarkan kos latihan dan pendidikan Pasukan di Kategori 4 yang ditetapkan oleh FIFA iaitu mengenai jumlah bayaran pampasan latihan bolasepak untuk satu tahun.
3. Jika bayaran pampasan tidak dipersetujui oleh kedua-dua Pasukan terlibat, maka NDRC akan menetapkan bayaran, di mana ia adalah muktamad dan hendaklah dipatuhi oleh kedua-dua Pasukan atau Akademi.

ARTIKEL 8: TINDAKAN-TINDAKAN TATATERTIB

1. NDRC boleh mengkaji pertikaian mengenai jumlah Pampasan Latihan yang harus dibayar dan NDRC juga mempunyai budi bicara untuk menyelaras jumlah ini jika ia adalah jelas tidak seimbang dengan kes yang dipantau. NDRC juga boleh mengenakan tindakan tatatertib pada Pasukan atau Akademi dan Pemain yang tidak mematuhi peruntukan yang dinyatakan di lampiran ini, termasuk tetapi tidak hanya terhadap kepada:
 - a. denda minimum RM 12,000.00 dan denda maksimum RM25,000.00 untuk Pemain;
 - b. denda minimum RM 25,000.00 dan denda maksimum RM50,000.00 untuk Pegawai;



- c. denda minimum RM 50,000.00 dan denda maksimum RM100,000.00 untuk Pasukan; dan
- d. penggantungan dalam Pertandingan untuk satu musim atau lebih.

LAMPIRAN 5

MEKANISMA PERPADUAN

ARTIKEL 1: SUMBANGAN PERPADUAN

1. Jika Pemain Profesional berpindah semasa Kontrak masih berjalan, 5% daripada apa-apa pampasan, tidak termasuk Pampasan Latihan yang dibayar kepada Pasukan Asal, hendaklah ditolak daripada jumlah pampasan ini dan diagihkan oleh Pasukan Baru sebagai Sumbangan Perpaduan kepada PBN, Daerah, Kelab atau mana-mana Akademi Bolasepak yang terlibat dalam latihan dan pendidikan Pemain selama bertahun-tahun. Sumbangan Perpaduan ini menunjukkan bilangan tahun (dikira secara purata jika kurang daripada satu tahun) beliau telah didaftarkan dengan organisasi yang berkaitan di antara musim di hari lahir beliau yang ke-12 dan 23, seperti berikut:
 - Musim di hari lahir ke-12: 5% (iaitu 0.25% daripada jumlah pampasan);
 - Musim di hari lahir ke-13: 5% (iaitu 0.25% daripada jumlah pampasan);
 - Musim di hari lahir ke-14: 5% (iaitu 0.25% daripada jumlah pampasan);
 - Musim di hari lahir ke-15: 5% (iaitu 0.25% daripada jumlah pampasan);
 - Musim di hari lahir ke-16: 10% (iaitu 0.5% daripada jumlah pampasan);
 - Musim di hari lahir ke-17: 10% (iaitu 0.5% daripada jumlah pampasan);
 - Musim di hari lahir ke-18: 10% (iaitu 0.5% daripada jumlah pampasan);
 - Musim di hari lahir ke-19: 10% (iaitu 0.5% daripada jumlah pampasan);
 - Musim di hari lahir ke-20: 10% (iaitu 0.5% daripada jumlah pampasan);
 - Musim di hari lahir ke-21: 10% (iaitu 0.5% daripada jumlah pampasan);
 - Musim di hari lahir ke 22: 10% (iaitu 0.5% daripada jumlah pampasan);
 - Musim di hari lahir ke 23: 10% (iaitu 0.5% daripada jumlah pampasan).

ARTIKEL 2: TATACARA PEMBAYARAN

1. Pasukan Baru hendaklah membayar Sumbangan Perpaduan kepada Pasukan-pasukan yang melatih Pemain mengikut peruntukan di atas tidak lewat daripada 30 hari selepas pendaftaran Pemain atau, jika terdapat lain-lain pembayaran tambahan, 30 hari selepas tarikh pembayaran tersebut.
2. Pasukan Baharu adalah bertanggungjawab untuk mengira jumlah Sumbangan Perpaduan dan mengagihkannya berdasarkan sejarah kerjaya Pemain sebagaimana yang dinyatakan di dalam Pasport Pemain. Pemain hendaklah, jika perlu, membantu Pasukan Baharu dalam melaksanakan tanggungjawab ini.



3. Jawatankuasa boleh mengenakan tindakan-tindakan disiplin kepada Pasukan yang tidak mematuhi peruntukan-peruntukan yang ditetapkan di lampiran ini.

The background features a large, faint watermark of the FAM logo, which includes a tiger's head and the text 'FAM MALAYSIA'. Overlaid on this is a network of white lines connecting various points, with some points highlighted as glowing blue dots. The overall color scheme is a gradient of blue.

FAM

PERSATUAN BOLASEPAK MALAYSIA

Wisma FAM, Jalan SS5A/9
Kelana Jaya, 47301, Petaling Jaya
Selangor Darul Ehsan
Malaysia
Tel : 03-78733100 Fax : 03-78757984